



册府元龜

卷之九百五十七
至六十



43
849
308



43
849
308



冊府元龜

准書李嗣京叅閱

文翔鳳訂正

黃國瑞較梓

外臣部

九百五十七

國邑

禹貢之制五百里荒服曰蠻曰荒周官衛服之外曰蠻曰夷曰錯曰藩皆戎夷之區聲教罔達職貢無法流移靡嘗可以德綏難以力制也漢武承富庶之業好疆場之功或討以戈甲或餌以玉帛猛將推鋒以

挫其銳辯士緩頰以動其心是以三王之所不臣六
 經之所不載皆克斥蠻夷之邸俯伏北闕之下至乃
 涉懸度越流沙泛重溟踰峻嶺回面受吏稽顙述職
 焉其後經畧所至軌跡漸廣或卉服入覲或韜軒出
 使莫不詢其封域考其都鄙記里候之遐邇詳版籍
 之衆寡告於史氏著之方冊今之論次者亦以續伯
 益之山經備成周之士訓云爾

東邑朝鮮者周武王勝殷釋箕子之囚箕子不忍受
 周之釋走之朝鮮武王聞之因以朝鮮封之周末燕
 人衛滿自始全燕時嘗畧屬直番

一作莫遼東有番
 汗縣番音普寒切

朝鮮爲置吏築鄣塞秦滅燕屬遼東外徼漢興爲其
 遠難守復修遼東故塞至淇水爲界屬燕燕王盧縮
 叛入匈奴滿亡命聚黨千餘人魁結蠻夷服而東者
 出塞渡淇水居秦故空地上下鄣稍役屬真番朝鮮
 蠻夷及故燕齊亡命者王之都王險昌黎有險濱縣會孝惠
 高后時天下初定遼東太守卽約滿爲外臣保塞外
 蠻夷無使盜邊諸蠻夷君長欲入見天子勿得禁止
 以聞帝許之以故滿得兵威財物侵降其旁小邑真
 番臨屯皆來服屬方數千里傳子至孫右渠元封三
 年夏尼泥谿相叅使人殺右渠來降遂定朝鮮爲四

郡 真番臨屯
樂浪玄菟

濊貊國南與辰韓北與高句麗沃沮接東窮大海朝

鮮之東皆其地也 歲一作濊

夫餘國在玄菟北千里南與高句麗東與挹婁西與
鮮卑接北有弱水地方二千里本濊地也東夷之域
最為平敞國中有古濊城本濊貊之城也漢武帝元
朔元年武帝以其地為滄海郡數年乃罷至元封三
年滅朝鮮分置樂浪臨屯玄菟真番四部至昭帝始
元五年罷臨屯真番以并樂浪玄菟玄菟復徙居句
麗自單單大嶺已東沃沮濊貊悉屬樂浪後以境土

廣遠復分領東七縣置樂浪東部都尉

以莫婁在勿吉北千里去雒陽六千里餘地挹婁古
肅慎之國也在夫餘東北千餘里東濱大海西接寇
漫汗國北極弱水其二界廣袤數千里居深山窮谷
其路險阻車馬不通

高句麗 一作麗 在遼東之東千里南與朝鮮濊貊東與

沃沮北與夫餘接地方二千里戶三萬多大山深谷
無原澤人隨山谷以為居其國漢之玄菟郡也其地
東至新羅西度遼水二千里南接百濟北隣靺鞨千
餘里地平壤城即漢樂浪之故地東西六里南臨淇

水城內惟積倉儲器械備寇賊至日方人固守王財別爲宅於其側不嘗居之其外有城及漢城亦別都也復有遼東玄菟等數十城皆置官司以相統攝平壤城亦曰長安城東六里隨山屈曲南臨洪水復有國內漢城並其都會之所國中呼爲三京唐貞觀五年高麗又發其國衆築長城東北自夫餘城西南至海千有餘里

句麗在遼東郡西安平縣北依卜水爲居因名曰卜水獐

東沃沮在高句麗蓋馬大山之東

蓋馬縣各屬玄菟郡其山在今平壤

城東濱大海北與挹婁夫餘南與濊貊接其地東西

夾南北長夾音狹可折方千里戶五千無大君王世世

邑落各有長帥漢武帝元封二年伐朝鮮以沃沮城爲玄菟郡後爲夷貊所侵徙都句麗西北所謂玄菟故府是也沃沮還屬樂浪漢以土地廣遠在單單大嶺之東分置東部都尉不耐城別主領東七縣

北沃沮一名置溝婁去南沃沮八百餘里界南接挹婁挹婁人善乘船寇沙北沃沮畏之每夏藏於巖穴至冬船道不通乃下居邑落

馬韓古之辰國也居山海之間無城郭凡有五十四

國其北與樂浪南與倭接

辰韓在帶方東南西海以為限十有二國其北與濊

貊接

弁辰在辰韓之南亦十有二國其南亦與倭接三韓

凡七十八國百濟是其一國焉大者萬餘戶小者數

千家各在山海間地各方四千餘里東西以海為限

倭國在帶方東南其王居邪馬臺國

案今名邪摩堆音之訛也樂

浪郡徼去其國萬二千里去其西北界拘那韓國七

千餘里其地大較在會稽東治之東與朱崖儋耳相

近舊有百餘小國相接至魏時有三十國通好戶有

七萬去帶方萬二千餘里從帶方至倭循海水行歷

韓國乍東乍南七千餘里始度一海海濶千餘里各

瀚海至支國又度一海千餘里各未盧國又東陸行

五百里至伊都國又東南行百里至奴國又東行百

里至不彌國又南水行二十里至投馬國又南水行

十日陸行一月日至邪馬臺國夷人不知里數但計

以日其國境東西五月行南北三月行各至於海其

地勢東高西下都於邪摩堆東海嶼中野人有邪古

婆邪多尼三國皆附庸於倭北限大海西北接百濟

王北抵新羅西南與越州相值

日本國倭之別名自云國在日邊故以日本為各

東鯤人

鯤音達
奚切

在會稽海外分為二十餘國夷洲在

臨海東南去郡二千里

裨離國在肅慎西北馬行可二百日領戶三萬

養雲國去裨離馬行有五十日領戶二萬

寇莫汗國去養雲國又百日行領戶五萬餘

一羣國去莫汗又百五十日計去肅慎五萬餘里

百濟國在遼東之東千餘里始國於帶方故其地界

東極新羅北接高句麗西南俱限大海東西四百五

十里南北九百餘里

治固麻城其外更有五方中方曰古沙城東方曰得

安城南方曰从知下城西方曰刀先城北方曰熊津

城以子弟宗族分據之又云其都曰居枝城國南海

行三月有耽牟羅國南北千餘里東西數百里土多

麋鹿附庸於百濟百濟自西行二日至貊國西南島

居者十五所皆有城邑

新羅國在百濟東南五十餘里漢時樂浪之地東及

南方阻大海西接百濟北隣高麗地東西千里南北

二千里有城邑村落王之所居曰金城周七八里

靺鞨在高麗之北其地在營州之東二千里南與新

羅相接越喜靺鞨東北至黑水靺鞨地方二千里編戶十餘萬兵數萬人

文身國在倭國東北七千餘里

大漢國在文身國東五千餘里

扶桑國在大漢國東一萬里地在中國之東其土多扶桑木故以爲名

女國在扶桑東千餘里

琉球國居海島之中當建安郡東水行五日而至所至曰波羅檀洞塹柵三重環以流水樹爲棘藩王所居舍其大一十六間瑯刻禽獸多鬪鏤樹似橘而葉

密條纖如髮然下垂

南蠻林邑國蝦夷海島中小國古越裳之界也在交州南海行三千里北連九真秦時故林邑縣漢象林縣後漢伏波將軍馬援開漢南境置北縣其地縱廣可六百里城去海百二十里去日南界四百餘里北接九真郡其南界水涉道二百餘里有西國夷亦稱王馬援植兩銅柱表漢界處也

扶南國在日南之南西去林邑三千餘里在海大灣中其境廣袤三千里有城邑宮室城去海五百里毗騫國去扶南八千里有大江廣十里西北流東入

於海

真臘國在林邑西南本扶南國之屬國也去日南郡
 舟行六十日而至南接車至渠國西有朱江國其國
 郭下二萬餘家城中有一大堂是王聽政之所總大
 城三十城有數千家各有部帥官各與林邑同南方
 人謂真臘國為吉蔑國自唐神龍以後真臘分為二
 半以南近海多陂澤處謂之水真臘半以北多山阜
 處謂之陸真臘亦謂之文單國水真臘國其境東西
 南北約皆八百里東至奔陁浪州西至隋羅鉢底國
 南至小海北即陸真臘其王所居城號婆羅提拔國

之東界有小城皆謂之國

黃支國去合浦日南三萬里
 荆蠻槃瓠之後也其邑君長所居皆深山重阻人跡
 罕至長沙黔中五溪蠻皆是也
 叅半國在真臘西南千餘里城臨大海土地下濕
 白頭國在扶南之西叅半之西南
 于陁利國在南海洲上
 婆利國在廣州東南海申洲上去廣州二月日行國
 界東西五十日行南北二十日行有一百三十六聚
 頻遜國在林邑西南海崎上地方千里城去海千餘

里

邊斗四國者邊斗國

班一云

都昆國

一作

拘利國

一作九雅

北嵩國並扶南度金隣大灣南行三千里

殊奈國在林邑南去交阯海行三月餘日

敢人國在交阯西今謂之烏滸人

金利毗逝國在京西南四萬餘里東去致物國二千

里西去赤土國一千五百里南去波利國三千里北

去柳衢國三千里其國有城邑庭舍

隋和羅國南與盤盤北與迦邏舍弗東與真臘接西

隣大海去高州五月日行

多茂國在南海外國界週迴可一月行南阻大海西

阻俱遊國北

波刺國東真陁植國戶口極多置三十州不役屬他

國有州郭宮殿樓櫓並用瓦木

多摩長國居於海島東與婆鳳西與多隆南與半友

跋

華言五山也

北與訶陵等國接其界東西可一月行南

北可二十五日行

杜薄國在扶南東漲海中直渡海數日至洲有十

餘國城皆稱王

烏篤國在中天竺南北萬五千餘里

薄刺洲在拘利南海灣中一名勃茨洲

狼牙修國在南海中其界東西三十日行南北二十

日行去廣州二萬四千里

婆利國在廣州東南海中洲上去廣州二月日行國

界東西五十日行東北二十日行有一百三十六聚

或曰其國在林邑東南海中洲上其地延袤數千里

自交州南渡海經林邑扶南赤土文單數國乃至焉

盤盤國在林邑之南海曲中與狼牙修國為隣

丹丹國在多羅磨羅國西北振州東西理所可二萬

餘家亦置州縣以相統領

施洹國在林邑西南大海中東南與墮和羅接去交

阯三月餘日行賓服於墮和羅

修羅分國居於南海之北以木柵為城東至真臘國

南至海其王名尸達摩提婆精兵三萬餘人

甘軍國居於南海之濱東接林邑其王名旗施越摩

精兵可五千人

哥羅舍分國在南海之南東接墮和羅國其王名蒲

伽越摩精兵二萬人

赤土國扶南之別種也在南海中水行百餘日而達

所都土色赤因以為號東波羅刺國西婆羅婆國南

訶羅旦國北拒大海方數千里其王居僧祇城有門三重相去各百許步每門圖畫飛仙仙人菩薩之象懸金花鈴毘婦女數十人或奏樂或捧金花又飾四婦人容飾如佛塔邊金剛力士之狀夾門而立門外者持兵伏門內者執白佛夾道垂素網綴花王宮諸屋悉是重閣北戶北面而坐坐三重之榻朝衣霞布冠金花冠垂雜寶纓絡四女子立侍左右兵衛百餘人王榻後作一木龕以金銀五香木雜納之龕後懸一金光焰夾榻又樹二金鏡鏡前並陳金甕甕前各有金香爐當前置一金伏牛牛前樹一寶蓋蓋左右

皆有寶扇婆羅門等數百人東西重行相向而坐汶陽蠻在臨沮西界二百里中水六遶峽魚貫行有數處不通騎西北接梁州新城東北接南襄城南接巴竺三邊並山蠻克盛據險爲寇賊

板楯蠻其人多居閬中渝水左右

東謝蠻其地在黔州之西數百里南接守宮徠西連夷子北至白蠻

西趙蠻在東謝之南其界東至夷子西至昆明南至西洱河

其音

山洞阻深莫知道里南北十八日行東

西二十三日行

南平蠻北與涪州接部落四千餘戶

羅利國在婆利之東

訶陵國在真臘國之南其王所居豎木為城造大居

重閣覆以櫻櫚皮

甘棠國在大海之南崑崙人也

占城國在中華西南其地東西七百里南北三千里

東暨海西雲南南真臘國北驩州界東北暨兩浙海

程二十日

西南夷君長以十數夜郎最大後為縣屬其西靡莫

之屬以十數滇最大滇音顛地有滇池因為名自滇以北君長以

十數邛都最大今之邛州本其地其外西自桐師以東北至

葉榆葉榆澤各因以立號後為縣屬益州郡名為嵩昆明嵩音髓今嵩州也昆明又

在其西南即南寧州諸慶所居是其地也自嵩以東北君長以十數徙苻

都最大徙及苻都二國也徙音斯後為徙縣屬蜀郡苻都後為沈黎郡苻暗自苻以東

北君長十數丹駝最大駝音危今夔州開州首領多姓丹者自丹駝以

東北君長以十數白馬最大皆氏類也皆巴蜀西南

外蠻夷

夜郎國東接交阯

滇國夜郎西有池周回二百餘里水源深廣而末更

淺狹有似倒流故謂之滇池河

邛都夷漢武帝所開以爲邛都縣無幾而池陷爲江澤因名爲邛池南人以爲邛河里水脈流而木叢柞都夷漢武帝所開以爲柞都縣後爲沈黎郡天漢四年并蜀爲西部置兩都尉一居旄牛主徼外夷一居青衣主漢人

丹驩夷漢武帝所開以爲汶山郡其山有六夷七羌九氏各有部落

哀牢夷後漢光武時始通中國明帝時內屬其稱邑王者七十七人戶五萬一千八百九十口五十五萬三千七百一十四西南去雒陽七千里

南詔蠻自言哀牢之後代居蒙舍州爲渠帥在漢永昌故郡東姚州之西

驃國在永昌故郡南二千餘里東北拒南詔陽苴咩城六千八百里凡去上都一萬四千里其國境東西三千里南北五千五百里往來通聘者伽羅婆提等二十國役屬者道林王等九城食境土者羅君潛等二百人其國東隣真臘國西接東天竺國南盡滇海北通南詔些些樂城界其王姓因設長名摩羅匿其國相名摩阿思那其王近適則輿以金繩床遠適則乘象嬪御甚衆侍御常數百人其羅城構以磚

覽周一百六十里壕崖亦構磚相傳本是舍利佛城
 內有居人數萬家佛寺百餘區其堂宇皆錯以金銀
 澁以丹彩地以紫鑛覆以錦蜀
 附國在蜀郡西北二千餘里即漢之西南夷也其國
 南北八百里東西千五百里無城近州谷傍山險俗
 好復讎故壘石為礫而居以避其患礫高十餘丈下
 至五六丈每級丈餘以木隔之基方二四步礫上方
 二三步狀似浮圖於下級開小門從內上通夜必關
 閉以防盜賊

西慶古南中地延袤二千里

獠出自梁益之間散居山谷依樹木積以居其上
 晉桓溫破蜀之後蜀入東流山險之地多空獠遂徙
 山傍谷與夏叅居
 昆彌國一曰昆明西南夷也在屢之西以二河為界
 即古葉榆河也去京師九千里勝兵數萬人漢武帝
 時得其地入益州郡其後復絕

西域自漢武帝時始通三十六國其後稍分至五十
 餘哀平時有五十五國皆在匈奴之西烏孫之南南北有大山

中央有河東西六千餘里南北千餘里東則接漢漢
 限以玉門陽關二關皆在燉煌西界西則限以葱嶺葱嶺其山高大多

生慈故以各焉其南山東出金城與漢南山屬焉

婁羗國王號去胡來王

言正離胡城來附漢也

去陽關千八百

里去長安六千三百里辟在西南不當孔道

辟讀曰僻孔道

者穿山險而為道今言穴徑也

戶四百五十口千七百五十勝兵者

五百八西與且末接

且音子餘切

鄯善國本名樓蘭王治杆泥城

杆音一胡切干同

去陽關千

六百里去長安六千一百里戶千五百七十口萬四

千一百勝兵二千九百十二人輔國侯鄒胡侯

鄒音兵畧

切鄯善都尉擊車師都尉左右具渠擊車師君各一

入譯長二人西北去都護治所千七百八十五里至

山國千三百六十五里西北至車師千八百九十里

且末國王治且末城去長安六千八百二十里戶二

百三十口千六百一十勝兵三百二十人輔國侯左

右將譯長各一人西北至都護治所二千二百五十

八里北接尉犁南至小宛可三日行西通精絕二千

里

精絕國王治精絕城去長安八千八百二十里戶四

百八十口三千三百六十勝兵五百人精絕都尉左

右將譯長各一人北至都護治所二千七百二十三

里南至戎盧國四月行地阨陋西通杆彌四百六十

里

杆彌國王

一作拘彌

治杆彌城去長安九千二百八十里

戶三千三百四十口二萬四十勝兵三千五百四十

輔國侯左右將左右都尉左右騎君各一人譯長二

人東北至都護治所三千五百五十三里南與渠勒

東北與龜茲西北與姑墨接西通于闐

田殿二百

三百九

十里後漢時名寧彌

戊盧國王治卑品城去長安八千三百里戶二百四

十口千六百一十勝兵三百人東北至都護治所一

千八百五十八里東與小宛南與婁羌西與渠勒接

南僻不當道

渠勒國王治鞬都城

鞬音鈴居言切

去長安九千九百五十

里戶三百一十口二千一百七十勝兵三百人東北

至都護治所三千八百五十二里東與戎盧西與婁

羌北與杆彌接

小宛國王治杆零城去長安七千二百一十里戶一

百五十口千五十勝兵二百人輔國侯左右都尉各

一人西北至都護治所二千五百五十里東與婁羌

接南僻不當道

于闐國去王門陽關三百餘里王治西城去長安九

千六百七十里戶三千三百口萬九千三百勝兵二
 千四百人東北至都護治所三千九百四十七里南
 與媯羗接北與姑墨接一說去雒陽萬一千七百里
 東去鄯善千五百里南去女國三千里西去朱俱波
 千里北去龜茲千四百里東北去瓜州二千八百里
 又云在葱嶺之北二百里南帶葱嶺與婆羅門接相
 去三千餘里所都城方八九里南與吐蕃接西北至
 疎勒二千餘里國城之東有曰白玉河西有綠玉河
 次西有烏玉河其源同出崑崙山去國西一千三百
 餘里 又云城東有大水北流
號附支水即黃河也

皮山國王治皮山城去長安萬五千里戶五百口三
 千五百勝兵五百人左右將左右都尉騎君譯長各
 一人東北至都護治所四千二百九十二里西南至
 烏耗國千三百四十里 烏音一加切
耗音直加切 南與天竺接北
 至姑墨千四百五十里西南當罽賓烏戎山離道西
 北通莎車三百八十里 蘇谷與合用
 烏耗國王治烏耗城去長安九千九百五十里戶四
 百九十口二千七百三十三勝兵七百四十人東北
 至都護治所四千八百九十二里北與子合蒲犁西
 與南兜接山居田石間有白草壘石為室

蒲犁國王治蒲犁谷去長安九千五百五十里戶六
 百五十口五千勝兵三千人東北至都護治所五千
 三百九十六里東至莎車五百四十里北至踈勒五
 百五十里南與西夜子合接西至無雷五百四十里
 侯都尉各一人寄田莎車種俗與子合同

西夜國王號子合王治乎健谷

犍音鉅
言切

去長安萬二

百五十里戶三百五十口四千勝兵千人東北到都
 護治所五千四百六里東與皮山西南與烏耗北與
 莎車西與蒲犁接

德若國領戶百餘口六百七十勝兵三百五十東去

長史居三千五百三十里去維陽萬二千一百五十

里與子合相接

依耐國去長安萬一百五十里戶一百二十五口六
 百七十勝兵三百五十人東北至都護治所二千七
 百三十里至莎車國五百四十里至無雷五百四十
 里北至踈勒六百五十里南與子合接
 無雷國王治盧城去長安九千九百五十里戶千口
 七千勝兵一千人東北至都護治所二千四百六十
 五里南至蒲犁五百四千里南與烏耗北與捐毒西
 西與大月氏接

捐毒即身毒天竺也本
皆一名語有輕重耳

難兜國王治去長安萬一百五十里戶五千口三萬
 一千勝兵八千人東北至都護治所二千八百五十
 里西至無雷三百四十里西南至罽賓國三百三十
 里南與娑羌北與休循西與大月氏接
 罽賓國王治循鮮城去長安萬二千二百里不屬都
 護戶口勝兵多大國也東北至都護治所六千八百
 四十里東至烏耗國二千二百五十里東北至難兜
 國九日行西北與大月氏西南與烏戈山離接南去
 舍衛國三千五百里

後名漕國在葱嶺之北都城方四里勝兵萬餘人北

去帆延七百里東去劫國六百里東北去瓜州六千

六百里東南去康國百里西去河國百三十里

烏戈山離國王去長安萬二千二百里不屬都護戶

口勝兵多大國也東北至都護治所六十日行東與

罽賓北與撲挑西與犂鞞條支接

撲音布木切犂讀與驪同鞞音鉅連

切又鉅言切行可百餘日乃至條支國

條支國臨西海暑濕田稻人衆甚多其城在山上周

回四十餘里海水曲環其南及東北三面路絕惟西

北隅通陸道轉北而東復馬行六十餘日至安息後

役屬條支為置大將監領諸小城焉

安息國王治番兜城

番音盤

去長安萬一千六百里不

屬都護北與康居東與烏弋山離西與條支接一說

居犢城去雒陽二萬五千里地方數千里小城數百

戶口勝兵最為殷盛其東界木鹿城號為小安息去

雒陽二萬里西行三千四百里至阿蠻國從阿蠻國

西行三千六百里至斯賓國從斯賓南行度河又往

西南至於羅國九百六十里安息西界極矣自此南

乘海乃通大秦後漢和帝末元九年都護班超遣其

英使大秦抵條支臨大海欲度而安息西界船人謂

英曰海水廣大往來者逢善風三月乃得度若遇遲

風亦有二歲者故入海人皆齋二歲糧海中善使人

思土戀慕數有死亡者英聞之乃止

大月氏國治監氏城

監一作藍

去長安萬一千六百里不

屬都護戶十萬口四十萬勝兵十萬人東至都護治

所四千七百四十里西至安息四十九日行南與罽

賓接後為匈奴冒頓單于所攻破西擊大夏而臣之

都嬌水北為王庭月支有五翎侯

翎即翁字

休密翎侯治

和墨城去都護二千八百四十一里去陽關七千八

百二里雙靡翎侯治雙靡城去都護三千七百四十

一里去陽關七千七百八十二里貴霜翎侯治護燥

城澡音 去都護五千九百四十里去陽關七千九百

八十二里胘頓翎侯胘音許 乙切 治薄茅城去都護五千

九百六十二里去陽關八千二百二里高附翎侯治

高附城去都護六千四十一里去陽關九千二百八

十三里凡五翎侯皆屬大月氏一說大月氏北與蠕

蠕接數為所侵遂西徙都薄羅城

小月氏國都富樓沙城其王本大月氏王寄多羅子

也寄多羅為匈奴所逐西徙後令其子守此城因號

小月氏一云月氏為匈奴所破小衆不能去者保南

山羗號小月氏

伽倍國故休密翎侯所治和墨城也在莎車西去代

萬三千里民居山谷間 淮南李嗣京參閱

折薛莫孫國故雙靡翎侯所治雙靡城也在伽倍西

去代一萬三千五百里居山谷間 莫國瑯較釋

鉗郭國故貴雙翎侯所治護澡城也在折薛莫孫西

去代一萬三千五百六十里居山谷間

閻浮謁國故高附翎侯所治高附城在弗敵沙南去

代一萬三千七百六十里居山谷間 樂越地馬行

弗敵沙國古胘頓翎侯所治薄茅城也在鉗郭西去

代一萬三千六百六十里居山谷間 萬人東至都護

治所五千五百五十里西北可二千里有奄蔡國控

弦者十餘萬大與康居同俗臨大澤無崖盖北海云

康居有小王五蘇籛王治蘇籛城籛音下去都護五

千七百七十六里去陽關八千二十五里附墨王治

附墨城去都護五千七百六十七里去陽關八千二

十五里窳匿王窳音治窳匿城去都護五千二百六

十六里去陽關七千五百二十五里罽王治罽城去

都護六千二百九十六里去陽關八千五百五十五

里奧鞞王奧音預於去切鞞音鈴居言切治奧鞞城去都護六千九

百六里去陽關八千三百五十五里九五王屬康居

後名康國云其國先居張掖祁連山為突厥所破南

依葱嶺遂有其地

奄蔡在康居西北可二千里控弦者十餘萬臨大澤

無崖盖乃北海云後名慄特國在葱嶺西居於大澤

去代一萬六千里

嚴國在奄蔡北屬康居

栗弋國屬康居

大宛國在匈奴西南在漢正西去漢可萬里王治貴

山城去長安萬二千五百五十里戶六萬口三十萬

勝兵萬人副工輔國主各一人東至都護治所四千

三十一里北至康居卑闐城千五百一十里西南至大月氏六百九十里北與康居南與大月氏接去雒陽萬三千三百五十里

大夏在大宛西南二千餘里媯水南民多可百餘萬桃魂音回國去長安萬一千八百里戶七百口五千勝兵千人

休循國王治烏飛谷在葱嶺西去長安萬二百一十里戶三百五十八口千三十勝兵四百八十人東至都護治所三千一百二十一里至捐毒衍敦谷二百六十里西北至大宛國九百二十里西至大月氏千

六百一十里

捐毒國王治衍敦谷去長安九千八百六十里戶三百八十口千一百勝兵五百人東至都護治所一千八百六十一里至疏勒南與葱嶺屬屬聯也音之欲切無人

民西上葱嶺到休循地西北至大宛千三十里北與烏孫接後漢時名天竺一名身壽在月氏之東南數千里從月氏高附國以西南至西海東至盤起國皆身壽之地身壽有列城數百城置長列國數十國置王雖各小異俱以身壽為名一說在葱嶺之南地方三萬里其中分為五天竺其一曰中天竺二曰東天

竺三日南天竺四日西天竺五日北天竺各數千里
城邑數百南天竺南際大海北天竺北拒雪山周回
有山爲壁南面一谷通爲國門東天竺東際大海與
扶南林邑隣接但隔小海而已西天竺與罽賓波斯
相接中天竺據四天竺之間國並有王又有列國百
餘置王雖各有異而俱以天竺爲名北臨禪連河一
說去代三萬一千五百里一說中天以上都城周廻
七十餘里

莎車國王治莎車城去長安九千九百五十里戶二
千三百三十九口萬六千三百七十三勝兵三千四
十九人輔國侯左右將左右騎君備西夜君各一人
都尉二人譯長四人東北至都護治所四千七百四
十六里西至疏勒五百六里西南至蒲犁七百四十
里西經蒲犁無雷至大月氏東去雒陽萬九百五十
里東北至疏勒

疏勒國王治疏勒城去長安九千三百五十里戶千
五百一十口萬八千六百四十七勝兵二千人疏勒
侯擊胡輔國侯都尉左右將左右騎君左右譯長各
一人東至都護治所二千二百一十里南至莎車五
百六十里有市列西當大月氏大宛康居道也其國

都城方五里國內有大城十二小城數十勝兵二千

尉頭國王治尉頭谷去長安八千六百五十里戶三

百口二千三百勝兵八百人左右都尉各一人左右

騎君各一人東至都護治所千四百一十一里南與

疏勒接山道不通西至捐毒千三百二十四里逕道

馬行二日

烏孫國在大宛東北可二千里行國言土著大昆彌治

赤谷城烏孫於西域諸戎其形最異人云胡人青眼赤鬚狀類彌猴者本其種去長安

八千九百里戶十二萬口六十三萬勝兵十八萬八

千八百人相大祿大將二人侯三人大夫將都尉各

一人大監二人大吏一人舍中大吏二人騎君一人

東至都護治所千七百二十一里至康居蕃內地五

千里

姑墨國王治南城去長安八千一百五十里戶三千

五百口二萬四千五百勝兵四千五百人姑墨侯輔

國侯都尉左右將左右騎君各一人譯長二人東至

都護治所二千二十一里南至于闐馬行十五日北

與烏孫接

溫宿國王治溫宿城今雍州豐泉縣北有溫宿嶺者本前漢時溫宿國人今居北地

田牧因以爲名 去長安八千三百五十里戶二千二百口八

千四百勝兵千有五百人輔國侯左右將左右都尉

左右騎君譯長各二人東至都護治所二千三百八

十里西至尉頭國三百里北至烏孫赤國六百三十

里

龜茲國王治居延城去長安七千四百八十里戶六

千九百七十口八萬一千三百一十七勝兵二萬一

千七十六人大都尉丞輔國侯安國侯擊胡侯卻胡

侯都尉擊車師都尉左右將左右都尉左右騎君左

右力輔君各一人東西南北部千長二人卻胡君三

人譯長四人南與精絕東南與且末西南與杆彌北

與烏孫西與姑墨接一說俗有城郭其城三重中有

佛塔廟千所王宮壯麗煥若神居後秦呂光伐西域

龜茲其王出奔光入其城城有三重外城與長安城

等室屋壯麗飾以琅玕金玉光立帛純弟震爲王而

歸自此中國絕不通一說在尉犁西北白山之南一

百七十里

烏壘國戶百一十口千二百勝兵三百人城都尉譯

長各一人與都護同治其南三百三十里至渠犂

渠犂城尉一人戶百三十口千四百八十勝兵百五

十人東北與尉犁東南與且末南與精絕接西有河
至龜茲五百八十里
尉犁國王治尉犁城去長安六千七百五十里戶千
二百口九千六百勝兵二千人尉犁侯安世侯左右
將左右都尉擊胡君各一人譯長二人西至都護治
所三百里南與鄯善且末接

危須國王治危須城去長安七千二百九十里戶七
百口四千九百勝兵二千人擊胡侯擊胡都尉左右
將左右都尉左右騎君擊胡君譯長各一人西至都
護治所五百里至焉耆百里

焉耆國王治員渠城去長安七千三百里戶四千口
三萬二千一百勝兵六千人擊胡侯御胡侯輔國侯
左右將左右都尉擊胡左右君擊車師君歸義車師
君各一人擊胡都尉擊胡君各二人譯長三人西南
至都護治所四百里南至尉犁百里北與烏孫接一
說其國王居南河城北去長史所居八百里四面有
大山與龜茲相連道險阨易守有海水曲入四山之
內周匝其城三十餘里白山之南七十里漢時舊國
也都城方二里國內有九城勝兵千餘人南有黃河
西帶葱嶺東去龜茲千五百里西去罽汗國千里南

去朱俱波八九百里東北去突厥方千餘里東南去瓜州四千六百里

烏貪訶離國王治干婁谷去長安萬三百三十里戶四十一口二百三十一勝兵五十七人輔國左右都尉各一人東與單桓南與且彌西與烏孫接

且音子余切

卑陸國王治天山東乾當國

乾音

去長安八千六百

八十里戶二百二十七口千三百八十七勝兵四百二十二
人輔國侯左右將左右都尉左右譯長各一人西南至都護治所千二百八十七里

卑陸後國王治番渠類谷

番音

去長安八千七百一

十里戶百六十二口千一百三十七勝兵三百五十五
人輔國侯都尉譯長各一人將二人東與郁立師北與匈奴西與劫國南與車師接

郁立師國王治內咄谷

咄音丁忽切

去長安八千八百三

十里戶百九十口千四百四十五勝兵三百三十一
人輔國侯左右都尉譯長各一人東與車師城長西與卑陸北與匈奴接

單桓國王治單桓城去長安八千八百七十里戶二十七口百九十四勝兵四十五人輔國侯將左右都尉譯長各一人

蒲類國王治天山西疏榆谷去長安八千三百六十里戶三百二十五口二千三十二勝兵七百九十九人輔國侯左右將左右都尉各一人西南至都護治所千三百八十七里

蒲類後國王去長安八千六百三十里戶百口千七十勝兵三百三十四人輔國侯將左右都尉譯長各一人一說居天山西疏榆谷東南去長史所居千二百九十里

移支國居蒲類地戶千餘口三千餘勝兵千餘人劫國王治天山東丹梁谷去長安八千五百七十里戶九十五口五百勝兵百一十五人輔國侯都尉譯長各一人西南至都護治所千四百八十七里

西且彌國王治天山東于大谷且音于余切去長安八千

六百七十里戶三百三十二口千九百二十六勝兵七百三十八人西且彌侯左右將左右騎君各一人西南至都護治所千四百八十七里

東且彌國王治天山東允虛谷去長安八千二百五十里戶百九十一口千九百四十八勝兵五百七十二人東且彌侯左右都尉各一人西南至都護治所

千五百八十七里東去長史所居八百里

狐胡國王治車師柳谷去長安八千二百里戶五十
五日二百六十四勝兵四十五人輔國侯左右都尉
各一人西至都護治所千一百四十七里至焉耆七
百七十里

山國去長安七千一百七十里

營在山下居不為城治也

戶四百

五十日五千勝兵千人輔國侯左右將左右都尉譯
長各一人西至尉犁一百四十里西北至焉耆百六
十里西至危須二百六十里東南與鄯善且末接

車師前王國治交河城河水分流繞城下故號交河
去長安八千一百五十里戶七百口六千五十勝兵

千八百六十五人輔國侯安國侯左右將都尉歸漢

都尉車師君通善君鄉善君各一人譯長二人西南

至都護治所千八百七十里至焉耆八百三十五里交

河城去長史所居柳中八十里

車師後王國治務塗谷去長安八千九百五十里戶

五百九十五口四千七百七十四勝兵千八百九十

人擊胡侯左右將左右都尉道民君譯長各一人

道讀

日西南至都護治所千二百三十七里去長史所居

五百里

車師都尉國戶四十口三百三十三勝兵八十四人

車師後長城國戶百五十五口九百六十勝兵二百六十人

大秦國一名犁鞞以在海西亦云海西國地方數千里有四百餘城小國役屬者數十以石爲城郭列置

郵亭皆堊墍之

堊飾也音火既切堊白土也音惡

所居城邑周圍百

餘里城中有五宮相去各十里宮室皆以水精爲柱食噐亦然或云其國西有弱水流沙近西王母所居處幾於日所入也從條支西行二百餘里近日所入則與今書異矣前世漢使者自烏弋以還莫有至條支者也又云從安息陸道繞海北行出海西至大秦

人庶連屬十里一亭三十里一置

置驛也

其城周圍百

餘里居宇皆以珊瑚爲椽栢琉璃爲牆壁水晶爲柱礎其王有五宮其宮相去各十里每旦於一宮聽事終而復始

小人國在大秦之南

澤散國屬大秦其地在海中央北至驢分水行半歲風疾時一月到最與安息安谷城相近西南至大秦都不知里數

驢分王屬大秦其治去大秦都二千里從驢分城西之大秦渡海飛橋長二百三十里渡海道西南行繞

海直西行
且蘭王屬大秦從思陶國直南渡河乃直西行之且
蘭三千里道出河南乃西行

賢督王屬大秦其治東北西北去氾復六百里
氾復王屬大秦其治東北去於羅三百四十里渡海
也

於羅屬大秦其治在氾復東北渡河從於羅東北又
渡河斯羅東北又渡河
斯羅國屬安息與大秦接也
北烏伊別國在康居北

呼得國在葱嶺北烏孫西北康居東北勝兵萬餘人
堅昆國在康居西北勝兵三萬人
滑國車師別種也後漢初居代都滑為小國屬蠕蠕
後稍強大征其旁國開地千餘里
白題國在滑國東去滑六日行西極波斯
師子國天竺旁國也舊無人民止有鬼神及龍蛇居
之諸國商賈來共市易鬼神不見其形但出珍寶諸
國聞其土樂因此競至遂成大國
東離國居沙奇城在天竺東南三千餘里大國也列
城數十皆稱王

安國漢安息之地都在那密水南城有五重環以流水國西百餘里有異國

波斯國都達曷水西蘇蘭城卽條支故地也有城周廻三十二里城高四丈皆有樓觀城內屋宇數百千間城外佛寺二三百所東與滑國西及南俱與婆羅門北與汎慄國接西去海數百里東去穆國四千餘里西北去拂林四千五百里東去瓜州一萬六千七百里一說都宿利城在忸密南古條支國也去代地二萬四千二百二十八里城方十里戶十餘萬

伏盧尼國都城在波斯國北去代二萬七千三百二

十里累石爲城

大食國本在波斯國之西後衆漸盛遂割據波斯西境自立爲王西隣於大海有勝兵四十餘萬

穆國都烏澹河之西安息故地都城方三里勝兵二千八東北去安國五百里東去烏那遏二百餘里西

波斯國四千餘里東去瓜州七千七百里

烏那遏國都烏澹水西舊安息之地都城方二里勝

兵數百人王坐金羊座東北去安國四百里西北去

穆國二百餘里東去瓜州七千五百里

米國都那密水西舊康居之地都城方二里勝兵數

百人西北去康國百里東去蘇對沙那國五百里西南去史國二百里東去瓜州六千四百里

曹國都那密水南數里舊是康居之地都城方三里勝兵千餘人

何國都那密水南數里舊是康居之地東去曹國百五十里西去小安國三百里東去瓜州六千七百五十里

史國都獨莫水南十里舊康居之地也都城方二里勝兵千餘人北去康國二百四十里南去吐火羅五百里西去那色波國二百里東北去米國二百里東

去瓜州六千五百里

石國居於藥殺水都城方十餘里國城之東南立屋置座於中其國南去鑿汗六百里東南去瓜州六千里

鑿汗國在葱嶺之西五百里古渠搜國也都城方四里勝兵千人東去疏勒千里西去蘇對沙那國五百里西北去石國五百里東去突厥可汗二千餘里東去瓜州五千五百里
挹怛國都烏濟水南二百餘里勝兵者五六千人都城方十餘里多寺塔

吐火羅國都葱嶺西五百里與怛怛雜居都城方二里勝兵者十萬人一說其北界歸漢西域大宛之地今屬西蕃突厥在瓜州西六千七百里

俱蘭國與吐火羅接南抵雪山唐貞觀中朝貢里東女國在葱嶺之南山上為城方五六里人有萬家其國以女為王侍女數百人五日一聽朝復有小女王共知國政

東女國西羗之別種以西海中復有女國故稱東女焉俗以女為王東與茂州党項接東南與雅州接羅文蠻及白狼夷其境東西九日行南北二十日行

有大小八十餘城王所居多康延川中有弱水南流用牛皮為船以渡戶四萬餘眾勝兵萬餘人散在山谷間

吐谷渾晉時據有西零巴西其松之界極乎白蘭數千里然有城郭而不居隨居水草蘆帳為屋當魏周之時始稱可汗都伏侯城在青海西十五里其地兼鄯善且末西北有流沙數百里

河南國在益州西北亘數千里其界龍涸城去城都千餘里犬戎有田一在清水川一在赤水一在澆河一在吐屈直川皆子弟所治一說其地則張掖之南

隴西之西在河之南故以為號其界東至疊川西隣于闐北接高昌東北通秦嶺方千餘里蓋古之流沙地焉

高昌國南接河東連燉煌西次龜茲北隣勃勒置四十六鎮交河田地高寧臨川橫截柳婆洿林新興鄯寧始昌篤進白刀等皆其鎮名其地東西三百里南北五百里國內總有城一十六一云有八城其國去燉煌

十三日行其四面多大山其都城週迴一千八百四十步於坐室畫魯哀公問政於孔子之像四面多大山以其地勢高敞人庶昌盛故名高昌一說即漢車

師前王之庭西域長史戊巳校尉之故地也其國東

西二百延袤數百里漢興師西討軍中羸憊者留居焉地形高敞因名高昌壘有人城本皆中國人也

葱茈菑此紫

音北與諸國接不知其道里廣狹南與白

馬羗隣白馬氏秦漢以來世居岐隴以南漢川以西

自立豪帥自汧渭抵於巴蜀或謂之白氏或謂之故

氏漢末徙居仇池地方百頃魏封百頃王晉封仇池

公

白蘭國羗之別種也其地東北接吐谷渾西北利模

徙南界那鄂

党項羌其種有巖昌白銀狼東接臨洮西拒業護南
北數千里處山谷間每姓別爲部落大者五千餘騎
小者千餘騎

武興國本仇池地其國東連秦嶺西接石昌去巖昌
八百里南去漢中四百里北去岐州三百里去長安
九百里

巖昌國其界自仇池以西東西千里帶水以南南北
八百里地多山阜部衆二萬餘落本皆中國人也
鄧至國居涼州界羌別種也

湟中月氏國舊在張掖酒泉地大月氏爲匈奴昌顛
所殺餘種分散踰葱嶺其羸弱者入山依諸羌居止
者舌國故康居國也在破落那西北去代一萬五千
四百五十里

丁令在康居北勝兵六萬人隨畜牧依處西南去康
居五千里

短人國在康居西北人衆甚多去奄蔡諸國甚遠去
康居萬餘里

悅般國在烏孫西北去代一萬九百三十里其先匈奴
北單于部落也爲漢車騎將軍竇憲所逐北單于
度金微山西走康居其羸弱不能去者住龜茲北地

方數千里衆可二十餘萬涼州人猶謂之單于王
隨羅伊羅國在烏蔡國北天雪山坡上緣梯登山接
七百梯方到其國

阿鈎羗在莎車西南國西有縣度山其間四百里中
往往有棧道下臨不測之深人行者以繩索相持而
度

波路國在阿鈎羗西北去代一萬三千九百里
三童國在軒渠國西南千里

蒲山國故皮山國也居皮城在于闐南去代一萬二
千里其國西南三里有凍凌山後役屬于闐

悉若半國故西夜國也一名于合在于闐西去代萬一千
九百七十里

權於摩國故烏耗國也其王治烏耗城西接悉若半
國西南去代一萬二千九百七十里

洛那國故大宛國也都貴山城在踈勒西北去代四
千四百五十里

朱居國在于闐西役屬嚙噠

嚙噠國其原出於塞北自金山而南在于闐之西都
烏滸水南二百餘里去長安一萬一百里其王都拔
底延城蓋王舍城也其城方十里餘多寺塔衆可十

萬無城邑西域康居于闐安息及諸小國三十許皆役屬之號為大國

烏長國在徐彌南北有葱嶺南至天竺婆羅門胡

乾陀國在烏長西本名葉波為嚙唵所破因改焉所

都城東南七里有佛塔高七十丈周三三百步即所謂

雀離佛圖也

渴盤陀國在葱嶺東于闐西小國也西隣滑國南接

罽賓國北連沙勒國所治在山谷中城周迴十餘里

國有十二城

波知國在鉢和西南上狹人貧依託山谷

賒彌國在波知之南山居亦附嚙唵東有鉢勒盧國

路險緣鐵鑠而度下不見底

越延底國治辛頭河北西北去賒彌國千餘里東北

至瓜州五千四百里

耆至拔國在疏勒西去代一萬一千六百二十里其

國東有藩賀那山

悉密國在耆至西去代萬二千一百里其國東有山

名郁悉滿山

悉萬斤國在悉密西去代一萬二千二百二十里其

國有山名伽色那山

伽不單國在悉萬斤西北去代一萬二千七百八十里

色知顯國在悉萬斤西北去代一萬二千九百四十二里

吐呼羅國去代一萬二千里東至范陽國西至悉萬斤國中間相去二千里南至連山不知名北至波斯

國中間相去一萬里中薄提城周廻六十里城南有西流大水名漢樓河

伽色尼國在悉萬斤南去代一萬二千五百里薄知國在伽色尼南去代一萬三千三百三十里

忸密國在悉萬斤西去代二萬二千八百二十八里牟知國在忸密西南去代二萬二千九百二十里

阿弗大汗國在忸密西去代二萬三千七百二十里諾色波羅國在忸密南去代二萬三千四百二十八里

畢伽至國東接忸密國去代二萬三千七百二十八里

呼似密國在阿弗大汗西去代二萬二百里

副貨國去代一萬七千里東至阿富汗使且國西至役誰國中間相去一千里南有連山不知名北至奇沙

國相去一千五百里國中有副貨城周匝七十里
疊伏羅國去代二萬一千里國中有勿悉城城北有
疆奇水西流焉

鉢和國在渴槃陀西其土尤寒有大雪山望若銀峯
拔豆國去代五萬一千里東至多向勿當國西至旃
那國中間相去七百里南至劄陵伽北至弗那伏且
國中間相去九百里

吐蕃在長安之西八千里本漢西羌地也後魏神瑞
初南涼秃髮樊尼率眾西奔濟黃河逾積石於羌中
建國開地千里以秃髮爲國號語訛謂之吐蕃其後

子孫繁昌又侵伐不息土宇漸廣唐高宗時吐蕃盡
收羊同党項及諸羌之地東與涼松茂嶺等州相接
南至婆羅門西又攻陷龜茲疎勒四鎮北抵突厥地
方萬餘里自漢魏以來西戎之盛未之有也

大羊同國東接吐蕃西接小羊同北直于闐東西千
餘里勝兵八九萬

悉立國在吐蕃西南戶五萬餘有城邑村落依谿澗
章求拔國在悉立西南居四山之內後移出山西地
接東天竺遂改衣服變西羌之俗因而附焉其地延
袤八九百里勝兵二千餘人居無城郭

廻紇之先匈奴之裔也後魏時號為鐵勒部落其衆
 微小依託高車臣屬突厥隋時謂之特勒在薛延陀
 北境居婆陵水側去長安六千九百里隨逐水草勝
 兵五萬人口十萬唐貞觀中以廻紇部為瀚海府開
 元中漸盛保烏德健山南西城一千七百里西城即
 漢之高闕塞也西城北去磧石三百里有十一都督
 元和可汗遣使改為廻鶻義取廻旋輕捷如鶻也
 骨利幹居廻紇瀚海之北俟斤同居勝兵四千五百
 口萬餘人
 都蕃鐵勒之別種南去廻紇十三日行前代未通也

結骨部其地在廻紇西北二千里勝兵八萬口數十
 萬其國南阻貪湯湯山山多林木夏浸如冬積雪往
 來險阻有水從廻紇北流踰山經其國
 多濫葛在薛延陀東界居近同羅水兵一萬口三萬
 人

僕骨在多濫葛東境勝兵一萬口三萬人
 拔野古在僕骨東勝兵一萬口六萬人
 北狄匈奴漢高帝時冒頓單于最强大盡服從北夷
 而南與諸夏為敵國置左右賢王左右谷蠡音麤左
 右大將左右大都尉左右大當戶左右骨都侯自左

右賢王以下至當戶大者萬餘騎小者數千人諸左
右將居東方直上谷以東也 直當接濊貊朝鮮右王將
居西方直上郡以西接氐羌而單于庭直代雲中各
有分地逐水草移徙至後漢光武時始有南北二庭
焉

烏桓者本東胡也漢初匈奴冒頓滅其國餘類保烏
桓山因以為號武帝遣驃騎大將軍霍去病擊破匈
奴左地因徙烏桓于上谷漁陽右北平遼東五郡塞
外為漢偵察匈奴動靜後漢靈帝初烏桓大人上谷
有難樓者衆九千餘落遼西有丘力居者衆五千餘

落皆自稱王又遼東蘇僕延衆千餘落自稱峭王在
北平烏延衆八百餘落自稱汗魯王

鮮卑東胡之支也別依鮮卑山故因為號後漢和帝
時右較尉耿夔擊破匈奴北單于逃走鮮卑因此轉
徙據其地匈奴餘種留者尚有十餘萬落皆目號鮮
卑其地東接遼水西當西域

突厥者蓋匈奴之別種居金山之陽金山形似兜鍪
其俗謂兜鍪為突厥因以為號一說突厥之先平涼
雜胡也西魏廢帝時木可汗俟升西破嚙噠東走契
丹北奔契骨威服塞外諸國其地東自遼海以西西

至西海萬里南自沙漠以北北至北海五六千里皆屬焉西突厥本與北突厥同祖初木杆與沙鉢略可汗有隙因分爲二其國仰烏孫故地東至突厥國西至雷轟海南至疏勒北至瀚海在長安北七千里自焉耆國西北七日行至其南庭又正北八日行至其北庭鐵勒龜茲及西域諸胡皆歸附之一說沙鉢羅葉護可汗既立建庭於維合水北謂之水南庭東以伊列河爲界

契丹國居黃水之南黃莫龍之北數百里後魏時爲高麗所侵部落萬餘口求內附止於白狼河其後爲突厥所逼又以萬家寄於高麗隋開皇中背高麗率衆內附高祖安置於湯奚那頡之北部落漸衆遂北徙逐水草當遼西正北二百里依託訖臣水而居東西五百里南北三百里分爲十部兵多者三千少者千餘其南者爲契丹在北者號室韋一說其國在鮮卑之東故地距高麗西至奚北隣靺鞨南接營州延袤二千里勝兵萬餘人分爲八部又云古匈奴之種代若遼澤之中潢水南崖南距渝與榆同關千一百里渝關南距幽州七百里本鮮卑之舊地也後唐天祐末其酋阿保機乃僭稱皇帝署中國官號爲城郭

官室之制於漠北距幽州三千里名其邑曰西樓邑
屋門皆東向如車帳之法城南別作一城以資漢人
名曰漢城

南室韋在契丹北三千里分爲二十五部每部有餘
莫弗瞞咄猶酋長也

北室韋在南室韋北行十一日其國分爲九部落統
吐紇山而居其部落渠帥號乞引莫賀咄每部有莫
何弗三人以貳之

鉢室韋在北室韋北千里依胡布山而住人衆多北
室韋不知爲幾部落

六室韋在鉢室韋西北數千里

册府元龜

外臣部

卷之九百五十六

外臣部

卷之九百五十九

三十一

六至草并檢室草而北幾千里

冊府元龜

淮南李嗣宗參閱

西極文翔鳳訂正

豫章黃國琦較釋

外臣部 九百五十九

土風第一

夫五方之民言語不通衣服殊制至於居處飲食固亦異宜寒煖氣候諒非一貫是故先王設象脣之官以掌其鞮譯命輪軒之使分采於方言聲教之所暨羈縻而弗絕若乃藁街之攸舍秘閣之所記參考乎

冊府元龜

外臣部

卷之九百五十九

殊俗增廣乎異聞稽之載籍灼然惟叙詮次其說以著於篇將使疆戎索者執制可徵納職貢者名物斯辨庶以參司籍之記備有司之傳云

東夷夫餘國其民土著有宮室倉庫牢獄多山陵廣澤於東夷之域最平敞土地宜五穀不生五果其人麤人性強勇謹厚不寢鈔食飲皆用俎豆會同拜爵洗爵揖讓升降以殷正月祭天國中大會連日飲食歌舞名曰迎鼓於是時斷刑獄解囚徒在國衣尚白口布大袂袍袴屨革鞞出國則尚繪繡錦罽大人加狐狸狢白黑貂之裘以金銀飾帽譯人傳辭皆跪手

據地竊語用刑嚴急殺人者死沒其家人爲奴婢竊盜一責十二男女淫婦人妬皆殺之尤憎妬已殺尸之國南山上至腐爛女家欲得輪牛馬乃與之兄死妻嫂與匈奴同俗其國善養牲出名馬赤玉貂狢美珠珠大者如酸棗以弓矢刀矛爲兵家家自有鎧仗國之耆老自說古之亡人作城柵皆員有似牢獄行道晝夜無老幼皆歌通日聲不絕有軍事亦祭天殺牛觀蹄以占吉凶蹄解者爲凶合者爲吉有敵諸加加官自戰下戶俱擔糧飲食人其死夏月皆用冰殺號也人狗葬多者百餘厚葬有槨無棺其俗停喪五月以

久為榮其祭亡者有生有熟喪主不欲速而他人彊之嘗諍引以此為節其居喪男女皆純白婦人著布面衣去環佩大體與中國皆徼佛也水旱不調五穀不熟輒歸咎於王或言當易漢時夫餘王葬用玉匣嘗豫以付玄菟郡王死則迎取以葬公孫淵伏誅玄菟庫猶有玉匣一具今夫餘庫今魏時也有玉璧珪瓚數代之物傳世以為寶者老言先代之所賜也其國殷富自先世以來未嘗破壞也其印文言濊王之印國有故城名濊城蓋本濊貊之地而夫餘王其中自謂亡人抑有似也

蕭慎國夏則巢居冬則穴處父子世為君長無文墨以言語為約有馬不乘但以為財產而已無牛羊多畜猪食其肉衣其皮積毛以為布有樹名雜嘗若中國有聖帝代立則其木生皮可衣無井竈作瓦鬲受四五升以食坐則箕踞以足挾肉而暖之得陳肉坐其上令煖土無鹽鐵燒木作灰灌取汁而食之俗皆編髮以布作襜徑尺餘以蔽前後將嫁娶男以毛羽插女頭女和則持歸然後致禮聘之婦貞而女淫貴壯而賤老死者其日即葬之於野交木作小槨殺猪積其上以為死者之權性凶悍以無憂哀相尚父母

死男子不哭泣哭者謂之不壯相盜竊無多少皆殺之故雖野處而不相犯

肥婁古肅慎之國

在夫餘東北千餘里

土地多山險人形似夫

餘而言語各異有五穀麻布出美玉好貂無君長其

邑落各有大人處於山林之間土氣極寒嘗為穴居

以深為貴大家至接九梯好養豬食其肉衣其皮冬

以豕膏塗身厚數分以禦風寒夏則裸袒以尺布蔽

其前後其人臭穢不潔作廁於中國之而居自漢興

以後臣屬夫餘種衆雖少而多勇力處山險又善射

發能入人目弓長四尺力如弩矢用楛長一尺八寸

青石為鏃鏃能施毒中人即死便乘船好寇盜鄰國

畏患而卒不能服東夷夫餘飲食類此皆用俎豆惟

挹婁獨無法俗最無綱紀

高句驪

漢玄菟郡也在遼東之東

地方二千里多大山深谷人隨

而為居少田業力作不足以自資故其俗節於飲食

而好修宮室東夷相傳以為夫餘別種故言語法則

多同其俗淫皆潔淨自憙暮夜輒男女群聚為倡樂

好祠鬼神社稷靈星以十月祭天大會名曰東盟其

國東有大穴號祿神穴亦以十月迎而祭之其公會

衣服皆錦綉金銀以自飾大加主簿皆著幘如冠幘

而無後其小加著折風形如弁無牢獄有罪諸加評
議便殺之没入妻子爲奴婢其婚姻皆就女家生子
長大然後將婦歸家其俗淫男女已嫁娶便稍營送
終之具金銀財幣盡於厚葬積石爲封列種松栢其
人性凶急有氣力習戰鬪好寇鈔沃沮東濊皆屬焉
每春秋較獵王親臨之人稅布五疋穀五石遊人則
三年一稅十人共細布一疋溫戶一石次七斗下五
斗反逆者縛之於柱焚而斬之籍沒其家盜則償十
倍用刑旣峻罕有犯者樂有五弦琴箏葦篥橫吹簫
鼓之屬吹蘆以和尚每年初聚於淇水之上王乘

腰舉列羽儀以觀之事畢王以衣服入水分左右爲
二部以水石相濺擲誼呼馳逐再三而止俗以趨走
爲敬拜則曳一脚立多反拱行必搖手性多詭伏父
子同川而浴共室而寢婦人媵奔俗多遊女有婚嫁
者取男女相悅然卽爲之男家送猪酒而已無財聘
之禮或有受財者人共恥之死者殯於屋內經二年
擇吉日而葬居父母及夫人之喪服皆三年兄弟三
月初終哭泣葬則鼓舞作樂以送之埋訖悉取死者
生時服翫車馬置於墓側會葬者爭取而去敬鬼神
多淫祠盜者倍徵賦若貧下不能備及負公私債者

皆聽評其子女為奴婢以償之丈夫衣同袖衫大口
袴白韋帶黃華履其冠曰骨蘇多以紫羅為之雜以
金銀為飾其有官品者又插二鳥羽於其頭上以顯
異之婦人服裙襦袖皆為襖書籍有五經三史三國
志晉陽秋兵器有甲弩弓箭鞍稍矛鋌句驪

一名緇耳一名

小水貌在遼東郡西安平縣北

出好弓所謂豸弓也

東沃沮國在高句驪蓋馬大山之東土肥美背山向
海宜五穀善田種有邑落長帥人性質直彊勇少牛
馬便持矛步戰言語食飲居處衣服禮節有似句驪
其嫁娶之法女年十歲已相設許婿家迎之長養以

為婦至成人便還女家女家責錢錢畢乃復還婿家
其葬作大木槨長十餘丈開一頭作戶新死者皆假
埋之方使覆形皮肉盡乃取骨置槨中舉家皆共一
槨刻木如生形隨死者為數又有瓦鑿置米其中編
縣之於槨戶邊

北沃沮其俗皆與南同

北沃沮一各置溝渠

濊國本朝鮮地箕子教以禮義田蠶又制八條之國
其人終不相盜無門戶之閉婦人貞信飲食以蘆豆
自謂與句驪同種言語法俗大抵相類其人性慝
少嗜欲不請句男女皆衣曲領其俗重山川山川各

有部分界不得妄相干涉同姓不婚多所忌諱疾病死亡輒捐棄舊宅更造新居知種麻養蠶作絲繅布曉候星宿豫知年歲豐約嘗用十月祭天晝夜飲酒歌舞名之為舞天又祠虎以為神邑落有相侵犯者輒相罰責生日牛馬名之為責禍殺人者償死少寇盜能步戰作矛長二丈或數人共持之樂浪擅弓出其地又多文貊有果下馬高三尺乘之可於果樹下行海出班魚使來皆獻之

馬韓國韓種有三一日馬韓二曰辰韓三曰弁辰馬韓北與樂浪南與倭接東西以海為限人知田蠶作

綿布出大栗如梨有長尾雞尾長五丈邑落雜居亦無城郭作土室形如冢開戶在上知拜跪無長幼男女之別不貴金寶錦罽不知騎乘牛馬雅重瓔珠以綴衣為飭及縣頸垂耳大率皆魁頭露紒魁頭猶科髮紒繞成科結也紒音計布袍草履其人壯勇少年有築室作力者輒以繩貫脊皮繩以大木嚙呼為犍嘗以五月田竟祭鬼神晝夜酒會群聚歌舞舞輒十人相隨蹋地為節十月農功畢亦復如之諸國邑各以一人主祭天神號為大君又立蘇塗諸國各有別以為蘇塗諸亡逃至其中皆不還之蘇塗之義有似浮屠建大木以縣鈴鼓事鬼神其南界近倭亦

有文身者又其俗好衣幘下戶詣郡朝謁皆假衣幘自服印綬衣幘千有餘人

辰韓在馬韓之東言語有類秦人繇是或謂之秦韓其土地肥美宜種五穀及稻晚蠶桑作縑布乘駕牛馬嫁娶禮俗男女有別以大鳥羽送死其意欲使死者飛揚其國作屋橫累之木為之有似牢獄也國出鐵韓濊倭皆從取之諸市買皆用鐵如中國用錢又以供給二郡俗喜歌舞飲酒有瑟其形似筑彈之亦有音曲生兒便以石壓其頭欲令其扁今辰韓人皆扁頭男女近倭亦文身便步戰兵仗與馬韓同其俗

行者相逢皆住讓路

弁辰國與辰韓雜居亦有城郭衣服居處與辰韓同言語法俗相似祠祭鬼神有異施竈皆在戶西其瀆盧國與倭接界十二國亦有王其人形皆大衣服潔清長髮亦作廣幅細布法俗持嚴峻其國近倭故頗有文身

州胡國在馬韓之西海島上其人短小髡頭衣韋衣有上無下好養牛豕乘船往來貨市韓中

倭國 在韓東南文中依山島為居 男子無大小皆黥面文身自古

以來其使詣中國皆自稱大夫夏后少康之子封於

會稽斷髮文身以避蛟龍之害今倭水人好沈沒捕魚蛤文身亦以厭大魚水禽後稍以爲飾諸國文身各異或左或右或大或小尊卑有差計其道里當在會稽東治之東其風俗不淫男女皆露紒以木絲招頭其衣橫幅但結束相連略而無縫婦女被髮屈紒作衣如單被穿其中央貫頭衣之種禾稻紒麻蠶桑紡績出細紵繅絲其地無牛羊馬虎豹鵠兵用矛楯木弓弓形短下長上竹箭或鐵鏃或骨鏃所有無與儋耳朱崖同地溫暖冬夏食生菜皆徒跣有屋室父母兄弟卧息異處以朱丹塗其身體如中國用粉也食飲用邊豆手取以食不用匙筋其死有棺無槨封土作冢始死停喪十餘日當時不食肉喪主哭泣他人就歌舞飲酒已葬舉家詣水中澡浴以如練沐其行來渡海詣中國嘗使一人不梳頭不去蟣虱衣服垢汗不食肉不近婦人如喪人民名之爲持哀若行者吉善共顧其生日財物若有疾病遭暴害便欲殺之謂之持哀不謹出真珠青玉其山有丹其木有栴梓豫章檉檟投擲烏號楓香其竹篠簞桃支有薑橘椒藜荷不知以爲滋味有獼猴黑雉其俗舉事行來有所云爲輒灼骨而卜以占吉凶先告所卜其辭如

今龜法視火圻占兆其會同坐起父子男子為別
 性嗜酒其俗不知正歲四節但計春耕秋收為年紀
 見大人所敬但搏手以當跪拜其人壽考或百年或
 八九十年其俗國大人皆四五婦下戶或二三婦婦
 人不淫不妬忌不盜竊少爭訟其犯法輕者沒其妻
 小重者滅其門戶及宗族尊卑各有差序足相臣服
 收租賦有邸閣國國有市交易有無使大倭監之
 夷洲 在臨海東南地無霜雪草木不死四面是山谿
 人皆髡髮穿耳女人不穿耳土地饒沃既生五穀又
 多魚肉有大尾短如麕尾狀勇姑子婦卧息共一大

牀畧不相避地有銅錢惟用鹿格為矛以戰聞摩磔
 青石以作弓矢取生魚肉雜貯大瓦器中以鹽鹵之
 歷月餘日仍啖食之以為上餽

文身國 在倭國東北 人體有文如獸其額上有三文

文直者貴文小者賤土俗歡樂物豐而賤行客不賣
 糧有屋宇無城郭其王所居飾以金銀瑤麗繞屋為
 堊廣一丈以金銀兩刻流於水銀之上市用珍寶犯
 輕罪者則鞭杖犯死罪則置猛獸食之有枉則猛獸
 避而不食經宿則赦之

大漢國 在文文國東 無兵戈不攻戰風俗並與文身

國而言語異

扶桑國

在大漢國東二萬餘里地在中國之東

其土多扶桑木故以為

名扶桑葉似桐而初生如筍國人食之實如梨而赤績其皮為布以為衣亦以為絲作板屋無城郭有文字以扶桑皮為紙無兵甲不攻戰其國法有南北獄若犯輕者入南獄重罪者入北獄有赦則赦南獄不赦北獄在北獄者男女相配生男八歲為奴生女九歲為婢罪之身至死不出貴人有罪國之大會坐罪人於坑對之宴飲分訣若死別焉以火繞之其一重則一身屏退二重則及子孫三重者則及七世名

國王為乙卯貴人第一者為大對盧第二者為小對盧第三者為納咄沙國主行有鼓角導從其衣色隨年改為甲乙年青丁丙年赤戊巳年黃庚辛年白壬癸年黑有牛角長以角載物至勝二十斛車有牛馬車鹿車國人養鹿如中國畜牛以乳為酪有桑梨經年不壞多蒲桃其地無鐵有銅不貴金銀市無租估其婚姻婿往女家門外作屋晨夕灑掃經年而女不悅即驅之相悅乃成婚姻禮大抵與中國同親喪七日不食祖父母喪五日不食兄弟伯叔姑姊二日不食設靈為神像朝夕拜奠不制縗經嗣立王三年不

視國事

百濟國

在帶方故地 南與倭接

其衣服與高麗畧同婦人不加

粉黛如辮髮垂後出嫁則分為兩道盤於頭上俗尚
騎射讀書史能吏事亦知醫藥著龜占相之術以兩
手據地為敬有僧尼多寺塔而無道士有鼓角篳篥
箏竿篪笛之樂投壺圍碁擣蒲握槊弄珠之戲行宋
元嘉曆以建寅月為歲首賦稅以布絹麻絲及米等
量歲豐儉差等輸之其刑法反叛退軍及殺人者斬
盜者流其贓兩倍徵之婦人犯姦者沒入夫家為婢
婚娶之禮畧同於華父母及夫死者三年治服餘親

則葬訖除之有五穀牛猪雞多不火食厥田下濕人

皆山居有巨粟每以四仲之月王祭 及五帝之神

立其始祖仇台廟於國城歲四祠之

仇台為遼東太守公孫度之婿

新羅國

在高麗東南漢 樂浪居之地

其人雜有華夏其文字甲兵

同於中國選人壯健者悉入軍峯戍邏俱有屯營部
伍風俗政刑衣服畧與高麗百濟同每正月旦相賀
王設宴會班賚群官其日拜日月神至八月十五日
設樂令官人射賞以馬布其有大事則聚群官詳議
而定之服色尚素婦人辮髮繞頭以雜綵及珠為飾
髮甚長美婚嫁之禮惟酒食而已輕重隨貧富新婚

之夕女先拜舅姑次即拜夫死有棺斂葬起墳陵王
及父母妻子喪持服一年田甚良沃水陸兼種其五
穀果菜鳥獸物產畧與華同

鞞鞞國

在高麗之北

肅慎之苗裔也所居多依山水其俗

相與耦耕土多粟麥稔水氣鹹生鹽於木皮之上其
畜多猪嚼米為酒飲之亦醉婦人服布男子衣猪狗
皮俗以溺洗手面於諸夷最為不潔其俗媼而妬其
妻外媼人有告其夫者夫輒殺妻殺而後悔必殺告
者爵是姦媼之事終不發揚人皆射獵為業角弓長
三尺箭長尺有二寸嘗以八九月造毒藥傳矢以射

禽獸中者立死

黑水靺鞨俗皆編髮性凶悍無憂戚貴壯而賤老無
屋宇並依山水掘地為穴架木於上以土覆之狀如
中國之冢墓相聚而居夏則出隨水草冬則入處穴
中父子相承世為君長俗無文字兵器有角弓及楛
矢其畜宜猪富人至數百口食其肉而食其皮死者
穿地埋之以身糊土無棺斂之具殺所乘馬於屍前
設祭

振國本高麗其地在營州之東二千里南接新羅西
接越喜靺鞨東北至黑水靺鞨地方二千里編戶十

餘萬兵數萬人風俗與高麗及契丹同頗有文字及書記

流求國

居大海之西當建安之東

男女皆以白苧繩纏髮從項後

盤繞至額其男子用鳥羽爲冠裝以珠貝飾以赤毛形製不同婦人以羅絞白布爲帽其形正方織鬪縷皮并雜色紵及雜毛以爲衣製裁不一綴毛垂螺爲飾雜色相間下垂小貝其聲如珮綴璫施釧懸珠於頸織藤爲笠飾以毛羽有刀弰弓箭劍鉞之屬其處少鐵刃皆薄小多以骨角輔助之編紵爲甲或用熊豹之皮王乘木獸令左右輦之而行導從不過數十

人小王乘機鏤爲獸形國人好相攻擊人皆曉健善走難死而耐創諸洞各爲部隊不相救助兩陣相當勇者三五人出前跳躁交言相罵因相擊射如其不勝一軍皆走遣人致謝卽共和解收取闔死者共聚而食之仍以其鬪讎將向王所王則賜之以冠使爲除帥無賦歛有事則均稅用刑亦無嘗惟皆臨事科決犯罪皆斷於烏了帥日本官名不伏則上請於王王令臣下共議定之獄無枷鎖惟用繩縛決死刑以鐵錐大如筍長尺餘鑽頂而殺之輕罪用杖俗無文字望月虧盈以紀時節候草藥枯以爲年歲人深目長鼻

頗類於胡亦有小惠無君臣上下之節拜伏之禮父子同牀而寢男子拔去髭鬚身上有毛之處皆亦除去婦人以黑黥手爲垂蛇之文嫁娶以酒餚珠貝爲聘或男女相悅使相匹偶婦人產乳必食子衣產後以火自灸令汗出五日便平復以木槽中暴海水爲鹽木汁爲酢釀米麪爲酒其味甚薄食皆用手遇得異味先進尊者凡有宴會執酒者必待呼名而後飲上王酒者亦呼王名銜盃共飲頗同突厥歌呼踟躕一人唱衆皆和音頗哀怨共女子上膊搖手而舞其死者氣將絕舉至庭親賓哭泣棺弔浴其屍以布帛

纏之裹之以葦草親土而殯上不起墳子爲父者數月不食肉南境風俗少異人有死者邑里共食之有熊羆豺狼尤多猪雞無牛羊驢馬厥田良沃先以火燒而引水灌之持一插以石爲刃長尺餘濶數寸而墾之土宜稻粱禾黍麻豆赤豆胡豆黑豆等木有楓栝樟竹松梗楠杉梓藤果藥同於江表風土氣候與嶺南相類俗事山海之神祭以酒餚鬪戰殺人便將所殺人祭其神或依茂樹或起小屋或懸髑體於樹上以箭射之或累石擊繡以爲神主王之所居壁下多聚髑體以爲佳人間門戶上必安獸頭骨角

倭奴國在新羅東南水陸三千里居大海之中東西五月行南北三月行嘗與中國通其俗有文字敬佛法初跣足以幅巾蔽其節後推髻無冠帶隋煬帝時始賜衣冠今以錦絲為冠飾裳皆施襪綾以金玉其衣服之製頗類新羅然以文布為之腰佩銀花長八寸左右各數枚以明貴賤等級

日本國言國近於日古倭國之別種也國在新羅東南大海中出紙緊滑如蠶紙其王阿母氏文字與中國同唐高宗末綴五年獻琥珀大如斗瑪瑙大如五升器與新羅相接其琥珀在海中涌出又與蝦夷國相隣

交趾國人如禽獸男女同川而浴長幼無別項髻徒跣以布貫頭而著之後頗徙中國罪人使雜居其間乃稍知言語漸見禮化後漢光武中與錫光為交趾任延守九真於是教其耕稼制為冠履初設媒娉始知婚娶建立學較導之禮義

敢人國在交趾西所生子首輒解而食之謂之宜翁味旨則以貢其君君喜而賞其父取妻美則讓其兄今烏滸人是南州異物志曰烏滸地名也今漢川之南交趾之北常出道間有快行旅輒出擊之利得人食之不貪其財貨並以其肉為餽死鬻體破之以飲酒以人掌趾為珍異以食長者林邑國古越裳之地土多香水金寶物產大抵與交

陞同以塼城蜃灰塗之東向戶其國有金山石皆赤色其中生金金夜則出飛狀如螢火又出螭蝟具齒古貝沉木香古貝者樹名也其華成時如鵝毳抽其緒紡之以作布潔白與紵布不殊亦染成五色織爲班布也沉木香者土人所斷之積以歲年朽爛而心節獨在置水中則沉故名曰沉香次不沉不浮者名曰棧香也其俗皆閉北戶以尚日至於居止或東西無定人性凶悍果於戰鬪伊山習水不開平地四時暄暖無霜雪人皆裸露徒跣以黑色爲美貴女賤男同姓爲婚姻先娉婿女嫁之時著伽盤衣橫幅令如

井欄首戴寶花居喪翦髮謂之孝墻尸巾于野以爲葬其王服天冠被纓絡每聽政子弟侍臣皆不得近之又云其王戴金花冠形如韋甫衣朝霞布珠璣瓔珞足躡革屐時服錦袍良家子侍衛者二百許人皆執金裝刀有弓箭刀槊以竹爲弩傳毒於矢樂有琴笛琵琶五弦頗與中國同每擊鼓以警衆吹蠡以卽戎其人深目高鼻髮拳色黑俗皆徒跣以幅布纏身冬月衣袍婦人椎髻施擗葉席嫁娶必用八月女先求男由賤男而貴女同姓還相婚姻每有婚媾令媒者齋金銀釧酒二壺魚數頭至女家於是擇日夫家

會親賓歌舞相對女家請一大姓號婆羅門送女至男家婚盥手因牽女授之呪曰吉利吉利爲成禮寡婦孤居散髮至老王死七日而葬有官者三日庶人一日皆以函盛屍鼓舞導從輿至水次積薪焚之收其骨王則納金甕中沉之於海有官者以銅沉之海口庶人以瓦送之於江男女皆截髮隨喪至水次盡哀而止歸則不哭每七日燃香散花復哭盡哀而止盡七七日而罷至百日三年亦如之人皆奉佛文字同於天竺又云其王者著法服加纓絡如佛像之飾出則乘象吹螺擊鼓單右具繖以古貝於幟旗國不

設刑法有罪者使象蹋殺之國王事尼乾道鑄金銀人像大十圍

扶南國西南去林邑三千餘里出金銀銅錫沉木香象犀孔翠五色鸚鵡俗本裸文身被髮不製衣裳以女人爲王人皆醜黑拳髮性質直不爲寇盜以耕種爲務一歲種三歲獲又好雕文刻鏤食器多以銀爲之貢賦以金銀珠香亦有書記府庫文字有類於胡喪葬婚姻畧同林邑又云百姓以蕉蔗龜鳥爲禮國法無牢獄有訟者先齋三日乃燒斧極赤令訟者捧行七步又以金環雞卵投沸湯中令探取之若無寶

者手卽爛有理者則不又於城溝中養鱔魚門外園
猛獸有罪者輒以餒猛獸及鱔魚獸不食爲無罪三
日赦之鱔大者長三丈餘狀如鼉有四足喙長六七
尺兩邊有齒利如刀劍嘗食魚遇得獐鹿及人亦噉
之蒼梧以南及外國皆有之吳時遣中郎康泰宣化
從事朱應使於其國國人爲保惟婦人著員頭泰應
謂曰國中實佳但人褻露可怪耳尋使令國內男子
着橫幅今干濕也大家乃截錦爲之貧者乃用布
毗騫國去扶南八千里俗有室屋衣服噉粳米其人
言語小異扶南有山出金金露生石上國法刑人並
於王前噉其肉國內不受估客有往者亦殺而噉之
是以商旅不敢至王嘗樓居不血食不事鬼神其子
孫生死如嘗人惟王不死扶南王數使與書相報答
嘗遺扶南王純金五十人食器形如圓盤又如瓦壚
各爲多羅受五升又如椀者受一升王亦能作天竺
書書可三千言語其宿命所由與佛經相似並論善
事又傳扶南東界卽大漲海海中有大洲洲上有諸
薄國國中有馬洲復東行漲海千餘里至自然大洲
其上有草生火中洲左近人剝取其皮紡績作布以
爲手巾與蕉麻無異而色微青黑若小垢澇則投火

中復更精潔或作燈炷用之不知盡

頃遜國在林邑西南海奇上地方千里城去海十里
有五王並羈屬扶南土地洿下而平博氣候風俗大
較與林邑同東界通交州諸賈人其西界接天竺安
息徼外諸國往還交易其市東西交會日有萬餘人
珍物寶貨無所不有又有樹酒以安石榴采其花汁
停瓮中數日成酒可飲

真獵國在林邑西南本扶南之屬國習俗文字與婆
羅門同居處器物頗類赤土以右手爲淨左手爲穢
每旦澡洗以楊枝淨齒讀誦經呪又澡灑乃食食罷

還用楊枝淨齒又讀經呪食多蘇酪砂糖粳粟米餅
欲食之時先取雜肉羹與餅相和手揣而食娶妻者
惟送衣一具擇日遣媒人迎婦男女二家各八日不
出晝夜燃燈不息男婚禮畢卽與父母分財別居父
母死小兒未婚者以餘財與之若婚畢財物入官其
葬男女皆七日不食剔髮而哭僧尼道士親故皆來
聚會音樂送之以五香木燒屍收灰以金銀瓶盛送
於大水之中貧者或用瓦而以彩色畫之亦有不焚
送屍山中任野獸食者其北多山阜南有水澤地氣
尤熱無霜雪饒瘴癘毒虫土宜梁稻少黍粟果菜與

日南九真相類異者有婆娑樹無花葉似冬瓜菴
羅樹花葉似棗實似李毗野樹花似木瓜葉似杏實
似楮婆田羅樹花葉實並似棗而小異歌畢他樹花
似李葉似楮而厚大實似李其大如升自餘多同九
真海中有魚名建同四足無鱗其鼻如象吸水上噴
高五六十尺有浮胡魚其形似鯉背如鸚鵡有八足
多如魚半身出水望之如山每五六月中毒氣流行
卽以白猪白牛白羊於城西門外祠之不然者五穀
不登六畜多死人衆疾疫近都有陵伽鉢婆山上有
神祠每以兵二千人守衛之城東有神名婆多利祭

用之肉其王年別殺人以祀夜禱亦以守衛者十人
其敬鬼如此多奉佛法尤信道士佛及道士並立像
於館非王正妻子不得爲嗣王初立之日所有兄弟
並刑殘之或去一指或劓其鼻別處供給不得仕進
王三日一聽朝坐五香七寶牀上施寶帳其帳以文
木爲竿象耳金鈿爲壁狀如小屋懸金光焰有同於
赤土前有金香爐二人侍側王着朝霞古貝璠絡腰
腹下垂至脛頭戴金寶花冠被其珠纓絡足履革屣
耳懸金璫身服白疊以象牙爲屨若露髮則不加纓
絡臣人服製大抵相類其俗東向開戶以東爲上有

戰象五十頭尤好者許以飯肉與隣國戰則象隊在前於背上以木作樓上有四人皆持弓箭

訶陵國在真獵之南其王所居豎木為城造大屋重閣覆以櫻攔皮王所坐之牀悉以象牙為之亦以象牙為席食不用匙箸以手撮之以柳樹花為酒飲之亦得醉有山穴每涌而出鹽國人取之以食其國別有毒女人與嘗人同止宿即令人身上生瘡與之交會即致死若漩液霑着草木即枯其人身死不臭亦不爛

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

外臣部 五百六十

土風第二

墮婆登國在林邑南其風俗與訶陵畧同種稻每月一熟亦有文字書之貝多葉其死者口實以金又以金釧貫於四肢然後加以婆律膏及檀沉龍腦等香積薪以燔之

殊奈國在林邑南去交阯海行二月餘日習俗文字
與婆羅門絕遠未嘗朝中國唐貞觀初始通

盤盤國在林邑西南海中人皆學婆羅門書甚敬
信佛法

婆利國在林邑東南海中洲上去廣州二月日行國
界東西五十日行南北二十日行有一百三十六聚
土氣暑熱如中國之盛夏穀一歲再熟草木常榮海
出螺紫貝有石名蚌貝羅初採之柔軟及刻削爲物
乾之遂大堅強其國人披古貝如屨及爲都縵王乃
用班絲布以纓絡繞身頭著金冠高尺餘形如弁綬

以七寶之飾帶金裝劍偏金高坐以銀蹬支足侍女
皆爲金花雜寶之飾或持白毘絞及孔雀扇王出以
象駕輿輿以雜香爲之上施羽蓋珠簾其導從吹螺
擊鼓問其先及年數不能記焉而言白淨王夫人卽
其國女也又云其地延袤數千里國人善投輪乃其
大如鏡中有窻外鋒如鋸遠以投人無不中其餘兵
器與中國畧同俗類真獵物產同於林邑其殺人及
盜截其手姦者鑕其足期年而止祭祀必以月晦盤
貯酒脩浮之流水每十一月必設大祭海出珊瑚有
鳥名舍利解人語人皆黑色穿耳附璫王戴花形如

皮弁裝以真珠瓔珞身坐金牀侍女有金花寶鏤之飾或持白絞孔雀扇行則駕象鳴金擊鼓吹蠶爲樂男子皆奉髮被古貝布橫幅以遶腰有古貝草緝其花以作布瓮者名古貝細者名白疊

陀洹國在墮和羅西北其國海行五月至廣州土無蠶桑以白疊朝霞布爲衣五穀皆稻麥麻豆獸有白象猪羊牛俗皆屋居其父母死停喪在室輒數日不食燔屍已後男女並剔頭臨池洗浴然始進食狼牙修國在南海中其界東西三十日行南北二十日行去廣州二萬四千里土氣物產與扶南畧同偏

多棧沈婆律香等其俗男女皆袒而被髮以古貝爲干鏤其王及貴臣乃加雲霞布覆脾以金繩爲絡帶金環貫耳女子則披布以瓔珞繞身其國以黑磚爲城重門樓閣王出乘象有幡旄旗鼓罩白蓋兵衛甚嚴

千陀利國在南海洲上其俗與林邑扶南畧同出班布古貝檳榔檳榔特精爲諸國之極

烏訶南方夷號也其俗食人以鼻飲水口中進嗽如故

赤土國本扶南之別種在南海中水行百餘日其俗

皆穿耳翦髮無跪拜之禮以香油塗身其俗敬佛尤重婆羅門婦人善髻於項亥男女通以朝霞朝雲雜色布為衣豪富之室恣意侈靡為金鎖非王賜不得服用每婚嫁擇吉日女家先期五日作樂飲酒婦執女手以授婿十日乃配焉既娶即分財別居惟幼子與父同居父母兄弟死則剔髮素服就水上搆竹為棚棚內所積薪以屍置上燒香建幡吹蠶擊鼓以送之縱火焚薪遂落於水貴賤皆同惟國王燒訖收灰貯以金甌藏於廟屋冬夏嘗濕雨多霽少種植無時骨宜稻稞白豆黑麻自餘物產多同於交趾以甘蔗

作酒雜以紫瓜根酒色黃赤味亦香美亦以柳漿為

酒

斯調國有火洲在南海中其上有野火春夏自生秋冬自死而有木生於其中而不消也枝皮復活秋冬死則皆枯瘁其俗嘗冬採其皮以為布色小青黑若塵垢污之便投火中則更鮮明也崑崙之墟有炎火之山山上有鳥獸草木皆生於炎火之中故有火浣布非此山草木之皮則其鳥獸之毛也大食國在南海中其國男夫黑色多鬚鼻大而長似婆羅門婦人白皙亦有文字出駝馬驢騾殺羊等其馬大於諸國兵刃勁利其俗勇於戰鬪合事天神而

土多沙石不堪耕種惟食鳥獸等肉俱紛地那山在國之南國西隣於大海其王移穴中黑石實之於國占城國其衣服制度大畧與大食國同所乘皆象馬粒食稻米肉食水兕山牟之類獸之奇者有犀牛禽之大者有孔雀

長真國鳥武僚也其地多毒物饒瘴癘其中毒者皆口噤不得餌藥故多自鑿去齒亦稱鑿齒之民焉

并柯蠻地多雨潦俗好巫鬼禁忌寡畜產又無蠶

桑故其部最貧句町縣有枕榔木可以為麵百姓資

之枕榔木外皮有毛似榆樹而散生其木剛作鋤利如鐵中石更利惟中蕉根乃致敗耳皮中有似

擣稻米片又似麥麵中作餠餠廣志曰枕榔樹大四五圍長五六丈洪直旁無枝條其顛生葉不過數十似搜葉破其木肌堅難傷入數寸得麵赤黃窰微可食者也又云土氣鬱熱多霖

雨稻粟再熟無徭役惟征戰之時乃相屯聚刻木為契其法劫盜者三倍還贓殺人者出牛馬三十頭乃得贖死以納死家風俗物產畧與東謝同

邛都夷漢武帝以為越雋郡其土地平原有稻田青

蛉縣禹同山有碧雞金馬光景時時出見禹同山在今褒州場

波縣王褒碧雞頌曰持節使王褒謹拜南嶽敬彩金精神馬縹碧之雞處南之荒深谿回谷非土之鄉歸來漢德漢德無疆廉平唐虞澤配三皇華英鳴國志曰碧雞光景之多見之前書晉義曰金形似馬碧形似雞也俗好遊蕩而喜謳歌略與并柯相類豪帥橫縱

難得制御

祚都夷漢武帝所開以為花都縣其人皆被髮左衽
言語多好避類居處畧與汝山夷同土出長年神藥
仙人山圖所若焉

哀牢驃人皆穿鼻僂耳其渠帥自謂王者耳皆下肩
三寸庶人則至肩而已土沃美宜五穀蠶桑知染采
文繡罽毼白疊蘭干細布織成文章如綾錦有梧桐
木華績以為布幅廣五尺潔白不受垢汗洗以覆
人然後服之其竹節相去一丈名曰濮竹出銅鐵鉛
錫金銀光珠琥珀水晶琉璃軻蟲蚌珠孔雀翡翠犀

豕猩猩貊獸雲南縣有神鹿兩頭能食毒草

冉駝夷其王侯頗知文書而法嚴重貴婦人黨母族
死則燒其尸土氣多寒在盛夏冰猶不釋故夷人冬
則避寒入蜀為傭夏則違暑反其聚邑皆依山上居
累石為室高者至十餘丈為耶籠又土地剛鹵不生
粟穀麻菽惟以麥為資而宜畜牧有旄牛無角一名
童牛肉重千斤可為毘出名馬有靈羊可療毒又有
食藥鹿鹿麕有胎者其腸中糞亦可療毒又有五角
羊麝香輕毛毘雞猩猩
毘雞似有三角雉而
大青色鬪殺死乃止
其人能
作旄氊班斲青頓髦毘
羊羖頓髦羖並未詳字書無
此二之屬周書伊尹為四方

獻令曰正西崑崙狗國鬼親枳已闕耳貫匈雕題離
立漆齒請令以丹青白髮此獺龍角神龜為獻易曰
善何承天纂文曰此氏屬持多雜藥地有鹹土煮以
批音卑疑反筆即純也

為鹽鷹羊牛馬食之皆肥

東謝蠻在黔安之東地方千里其俗無文書惟刻木
為約巢居谷飲刃劍不離其身頭冠熊皮披猛獸之
革

西趙蠻在東謝蠻之南其風俗物產與東謝同

悉立國在吐蕃西南戶五萬勝兵五萬人其地有城
邑村落咸依谿澗男人以繪綵纏頭衣氍毹婦人以
辮髮著短褐婚姻簡畧不行財賈以蒸菽為俗畜多

水牛殺羊雞豕穀宜秔稻麥豆饒甘蔗諸果死者葬
於中野不封不樹喪制以黑為衣一年就吉刑有別

馴羈事吐蕃自古未通中國唐貞觀二十年遣使獻方物

東女國西羌之別種在雅州西北風俗寬緩人性馴
良其主及諸官皆奕葉相傳十一月為歲首死者墓
而不墳豎為標記無喪紀之禮所居起重樓層屋王
至九層國人至六層其王服青毛綾裙下領衫上披
青袍其袖委地冬則羔裘飾以文錦為小鬟髻飾之
以金耳垂瑠足履索鞞俗重婦人而輕丈夫文字同
於天竺每至十月令巫者齋飾詣山中散槽麥於空

大呪呼鳥俄而有鳥如雞飛入巫者之懷因剖腹而視之每有一穀來歲必登若有霜雪必多災異其俗信之名爲烏卜其居喪服飾不改爲父母喪則三年不櫛沐貴人死者或剝其皮而藏之納骨於甕中糝以金屑而埋之國王將葬其大臣親屬殉死者數十人

昆明夷部落在黔州西南三千里山路險阻住止高欄亦有羊馬其俗椎髻跣足首領披虎皮下者披氍毹者南蠻之別種也自漢中達笮竿川洞之間所在皆有種其俗多散居山谷不辨姓氏又無名字所生

男女惟以長幼次第之其丈夫稱阿暮阿段婦人阿夷阿等之類皆其語之次第稱謂也喜則群聚怒則相殺雖父子兄弟亦手刃之迭相掠賣不避親戚被賣者號叫不服竄逃避之乃將買人指爲捕逐若追亡叛獲便縛之但經被縛者卽服爲奴隸不敢更稱良矣俗畏鬼神尤尚淫祀巫祝有賣其昆季妻孥盡者乃自賣以供祭焉往往推一首帥爲主亦不遠相統攝自江左及中州遞有巴蜀多恃險不賓後周太祖平梁益之後令在所撫慰其與華民雜居者亦頗從賦役然天性暴亂旋致擾動每歲命隨近州鎮出

兵討之獲其口以充賤隸謂之爲壓獠焉
南平獠地與知渝南涪四州相接部落四千餘戶土
氣多瘴癘山有毒草沙蟲蝮蛇人金樓居登梯而上
號爲欄干男子左衽露髮徒跣婦人橫布四幅穿中
而貫其首名爲通裙其人美髮爲髻髻垂於後以竹
筒如筆長三四寸斜穿其耳貴者亦有珠璫土多女
少男爲婚之法女氏必先貨求男族貧人無以嫁女
多賣與富人爲婢俗皆婦人執役
松外蠻在西洱河其土有稻麥粟豆種獲亦與中國
同而以十二月爲歲首菜則葱韭蒜菁果則菴李條

有絲麻女工蠶織之事出純絹絲布麻幅廣七寸染
色有緋帛蠶以正月生三月熟畜有馬牛猪羊雞犬
彼用竹筍搏之而噉羹用烏桕形若雞羹有船無車
男子以氈及皮爲帔女子繩布爲裙衫仍披氈皮以
帔頭髻有髮一盤而成形如髻男女皆跣至於死喪
哭泣棺槨襲斂無不畢備三年之內穿地爲坎殯於
舍側上作小屋三年之後出而葬之以蠶蚌封棺令
其耐濕豪富者殺馬牛祭祀親戚必會皆齋牛酒助
焉多者至數百人父母皆斬衰布衣不澡遠者至四
五年近者二三年然後卽吉其被人殺者喪主以糜

括髮而墨面衣服不緝雖服內不廢婚嫁娶妻不避同姓富室娶嫁金銀各數十兩馬牛羊皆數十頭酒數十瓶女之所齋金銀將徒亦稱是婿不親迎女至其家亦有拜謁尊卑之禮其俗有盜竊殺人淫穢之事尊長卽立一長木爲擊鼓答共會其下強盜者衆共殺之若賊宗富強但燒其屋宅奪其田業而已不至於死穿窬盜者九倍徵賊處女孀妻淫泆不坐有夫而淫男女俱死男子不跨有夫女子之衣若姦淫之人其族強者輸金銀請和妻則棄之其兩殺者死家族卽報復力不能敵則授其部落舉兵相攻之

驃國西當極遠之地其俗有君臣長幼之序好生惡殺其土宜菽粟稻粱無麻麥其理無刑名桎梏之具犯罪者以竹五本束之復犯者撻其背數止五輕者止三殺人者戮之男女七歲則落髮止寺舍依桑門至二十不悟佛理乃復髮爲居人其衣服悉以白氊爲朝霞繞腰而已不衣繪帛云出於蠻爲其傷生也唐貞觀元年來獻其國樂凡十曲與樂工三十五人來朝樂曲皆演釋氏經論之詞意

西域且末國治且末城有蒲萄諸果西域自且末以往皆種五穀土地草木畜產作兵畧與漢同至梁號

未國勝兵萬餘戶土人翦髮著氊帽小袖衣為衫則開頸而縫前多牛羊驢騾

于闐國在且末西北多玉石

玉石玉之璞也一曰石之似玉也

又云

地多有水潦沙石氣溫宜稻麥蒲桃有水出玉名曰玉河國人善鑄銅器其治曰西山城有屋室市井菓蔬菜蔬與中國等尤信佛法王所居室加以朱畫王冠金幘如金胡公帽與妻並坐接客國中婦人皆辮髮衣裘袴其人恭敬相見則跪其跪則一膝至地書則以木為筆札以玉為印國人得書載於首而後開札一說城南五十里有贊摩寺者云是羅漢比丘比

盧旃所造石上有辟支佛徒跣之跡于闐西五百里有比摩寺云是老子化胡成佛之所俗無禮義多賊盜媼縱王錦帽金鼠冠妻戴金花其王髮不令人見俗云若見王髮年必儉土多麻麥粟稻五菓多園林嘽噠國在于闐之西本王舍城城中多寺塔皆飾以金風俗與突厥畧同其俗有兄弟共娶一妻夫無兄弟者其妻戴一角帽若有兄弟者依其多少之數更加角帽焉衣服加以瓔珞頭皆翦髮其語與蠕蠕高車及諸胡不同無城邑依隨水草以氊為屋夏遷涼土冬逐煖處分諸妻各在別所相去或二三百里

其王巡歷而行每月一處冬寒之時三月不徙其國無車有輿多馳馬用刑嚴惡偷盜無多少皆腰斬盜一責十死者富豪累石爲藏貧者掘地而埋隨身諸物皆置塚內其人凶悍能戰鬪西域康居于闐沙勒安息及諸小國三十許皆役屬之

朱居國在于闐西其人山居有麥多林果咸事佛語與于闐相類焉

太平國在于闐國南其人辮髮毳裘畜牧爲業地多風雪冰厚丈餘所出物產頗與吐蕃同俗無文字但刻木結繩而已刑法嚴峻其俗豪死抉出其腦實以

珠玉割其藏易以黃金假造金鼻銀齒以人爲殉卜以吉辰藏諸巖穴他人莫知其處多殺牝牛羊馬以克祭禮葬畢服除

湯盤陀國于闐西小國也風俗與于闐相類衣古貝布着長身小袖袍小口袴地宜小麥資以爲糧多牛馬駱駝羊等出好檀文字同於婆羅門

鉢和國在渴盤陀西其土尤寒人畜同居穴地而處又有大雪山望若銀峯其人惟食餠麵飲麥酒服毳裘

波知國在鉢和西南土狹人貧依託山谷有三池傳

云大者有龍王次者有龍婦小者有龍子行人經之設祭乃得過不祭多遇風雪之困

賒彌國在波知南山居不信佛法專事諸鬼神

烏耗國山居田石間有白草累石為室民接手飲自高

山下谿澗中飲水故出小步馬小細也細步言其能

接連其手如猿之千跡有驢無牛

西夜國與胡異其種類羗氏行國言不土隨畜產逐

水草往來

子合國土地出玉石一名漂沙地生白草有毒國人

煎以為藥傳箭鏃所中即死

蒲犁國寄田莎車種俗與子合同

依耐國南與子合接俗相與同少穀寄田疏勒莎車

無雷國衣服類烏孫俗與子合同

難兜國種五穀蒲萄諸果有銀銅鐵作兵與諸國同

屬屬賓

罽賓國地平溫和有苜蓿雜草奇木檀檉梓竹漆檉音

懷即槐之類也種五穀蒲萄諸果糞治園田地下濕葉大而黑也

生稍冬食生菜其民巧雕文刻鏤治宮室織罽刺文

繡好治飲食有金銀銅錫以為器市列市有列肆亦

以金銀為錢文上為騎馬形湯下為人面形出犂牛

水牛象大狗沐猴孔雀

犍牛頂上隆起者也郭義恭廣志云罽賓大狗大如驢赤

色數里搖勒以呼之沐猴即彌猴也

珠璣珊瑚琥珀碎琉璃

魏畧云大秦國出赤

白黑黃青綠緋紅紫十種琉璃此蓋自然之物承澤光潤踰於衆玉其色不嘗今俗所用皆銷冶石汁分以衆藥灌而爲之尤

它畜與諸國同一說罽賓在葱

嶺南踰懸度經熱坂其地暑濕人皆乘馬土宜秔稻

多苾蔗葡萄草木凌寒不死尤信佛法南去舍衛國

三千五百里至隋爲漕國國法嚴整殺人及盜賊者

皆死其俗淫祠葱嶺山有順天神者儀制極華金銀

錄爲屋以銀爲地祠者日有千餘人祠前有一魚脊

骨其孔中通騎馬出入國王戴金魚頭冠坐金馬座

土多稻粟豆麥饒象馬犍牛金銀鑽鐵鼈鼉米砂青

黛安息青木等香石蜜牛蜜墨鹽阿魏白附子

烏弋山離國地暑熱莽平

有草莽而平坦

其草木畜產五穀

果菜食飲宮室市列錢貨兵器金珠之屬皆與罽賓

同而有排拔獅子犀牛

排拔一名苻拔似鹿長尾一角者或爲天鹿兩角者或爲

辟邪俗重安殺其錢獨文爲人頭幕爲射馬以金銀飾

仗仗謂所持兵器也

條支國臨西海暑濕田稻有大鳥卵如甕又出獅子

犀牛犍牛孔雀

安息國治番兜城

番音盤

土地風氣物類所有民俗與

烏弋斲賓同亦以銀為錢文獨為王面幕為夫人面
王死輒更鑄錢有大鳥爵

大爵項似鷹身蹄似橐駝色蒼舉頭高八九尺張翅

丈餘食
大麥 其屬小大數百城地方數千里最大國也臨

嬌水商賈車船行旁國書華旁行為書記

橫行為書記也今西

方胡國及南方林邑之徒書皆橫不直下革謂毛華

大月氏治監氏城

一作藍氏城

土地風氣物類所有民俗

錢貨皆與安息同出一封橐駝

春止有土封封者言其隆高若封土也

國本行國也隨畜移徙與匈奴同俗後魏大武時其

國人商販京師自云能鑄石為五色瑠璃於是採礦

山中於京師鑄之既成光澤乃美於西方來者乃詔

為殿容百餘人光色映徹觀者見之莫不驚駭以為

神明所作自此國中瑠璃遂賤人不復珍之

康居國與大月氏同俗東羈事匈奴

為匈奴所羈牽也 風俗

及人貌衣服畧同大宛地和煖饒桐柳葡萄多牛羊

出好馬

奄蔡國大畧與康居同俗

大宛國治貴山城土地風氣物類民俗與大月氏安

息同大宛左右以葡萄為酒富人藏酒至萬餘石久

者至數十歲不敗俗者酒者首楮

者讀日嗜宛別邑七

十餘城多善馬馬汗血言其先天馬子也

大宛國有高山其山

上有馬不可得因取五色母馬置其下自宛以西至

安息國雖頗異言然大同自相曉知也其人皆深目

多鬚髯善市賈爭分銖貴女子女子所言丈夫乃決

正其地皆絲漆不知鑄鐵器及漢使亡卒降殺鑄作

它兵器得漢黃白金輒以為器不為幣一說土宜稻

麥其俗娶婦先以金同心指環為娉又以三婢試之

不男者絕婚姦淫有子皆卑其母與人馬乘不調墜

死者馬主出歛具

休循國治烏飛谷民俗衣服類烏孫因畜隨水草木

故塞種也

捐毒國治衍敦谷衣服類烏孫隨水草依葱嶺本塞

種也

莎車國有鐵山出青玉

阿鈎羗國在莎車西南土有五穀諸果市用錢為貨

止立宮室有兵器土出金珠

波路國在阿鈎羗西北其地濕熱有蜀馬土平物產

國俗與阿鈎羗同

小月氏國本大月氏之種在波路西南先居西平張

掖之間衣服與羗同其俗以金銀錢為貨隨畜牧移

徙亦類匈奴

尉頭國治尉頭谷田畜隨水草衣服類烏孫

烏孫國地莽平多雨寒山多松楸

楸音武元切木不各其心似松

田作種樹

樹植也

隨畜逐水草與匈奴同俗多馬富人

至四五十匹民剛惡貪很無信多寇盜

悅般國在烏孫西北其風俗言語與高車同而其人

清潔於胡俗剪髮齊眉以餘翎塗之昱昱然光澤日

三澡漱然後飲食其國南界有火山傍石皆燠鎔流

地數十里乃凝堅人以爲藥卽石硫黃也

姑墨國北與烏孫接出銅鐵雄黃

溫宿國土地所有與鄯善諸國同

鄯善國本名樓蘭地沙鹵少田寄田仰穀旁國

寄於他國

種田又糴旁國之穀仰音牛向切

國出玉多葭葦檉柳胡桐白草

檉柳

楊柳也白草似莠乾時白色胡桐似桐

民隨畜牧逐水草有驢馬多橐

馳能作兵與婼羌同

婼音遮而切

婼羌國隨畜牧逐水草不田作仰鄯善且末穀

賴以自給

也山有鐵自作兵兵有弓矛服刀劍甲

服刀相牌也相音相牌音

仰又音陞

龜茲國在白山之南能鑄冶有鉛其刑法殺人者死

劫賊則折其臂并刑一足賦稅准地徵租無田者則

稅銀錢婚姻喪葬風俗物產與焉耆畧同惟氣候少

溫爲異又出細氊麀皮氈餅饒汝鹽綠雄雌黃胡粉
及良馬犂牛等一說有城郭屋宇耕田產牧爲業男
女皆剪髮垂與項齊惟王不剪髮學胡書及婆羅門
書竿計之事尤重佛法其王以錦蒙項著錦袍金寶
帶坐金獅牀土多稻粟菽麥饒銅鐵鉛安息香葡萄
酒富室至數百石

焉耆國在車師南近海水多魚其俗丈夫剪髮婦人
衣襦著大袴婚姻同華夏好貨利任姦詭王有侍衛
數十人皆倨慢無尊卑之禮小人貧無綱紀法令兵
有弓刀甲稍婚姻畧同華夏死亡者皆焚而後葬其

服制蒲七月則除之丈夫剪髮以爲首飾文字與婆
羅門同俗事天神并崇信佛法尤重二月八日是日
其國咸依釋教齋戒行道焉氣候寒土田良沃穀有
稻麥菽粟畜有駝馬牛羊養蠶不以爲絲惟克綿纈
俗尚葡萄酒兼愛音樂南去十餘里有魚鹽蒲葦之
饒

山國其山出鐵民山居寄田糴穀於焉耆危須
西羌所居無嘗依隨水草地少五穀以產牧爲業其
俗氏族無定或以父名母姓爲種號十二世後相與
婚姻父沒則妻後母兄亡則納娶嫂故國無鰥寡種

類繁熾不立君臣無相長一強則分種為酋豪弱則
 為人附落更相抄暴以力為雄殺人償死無他政令
 其兵長在山谷短於平地不能持久而果於觸突以
 戰死為吉利病終為不祥堪耐寒苦同之禽獸雖婦
 人產子亦不避風雪性堅剛勇猛得西方金行之氣
 焉

湟中月氏胡被服飲食言語畧與羗同

章來拔國或云章揭拔本西羗種也在悉立西南居
 四山之內近代移出山西地接東天竺遂改衣服變
 西羗之俗因而附焉其地廣袤八九百里勝兵一千

餘人居無城郭好為寇掠商旅患之

大秦國一名犁鞬在海西有松栢諸木百草人俗力

田作多種樹樹植也蠶桑皆髡頭而衣繡乘輜輪自蓋

小車出入擊鼓建旌旗幡幟所居城中有五官其王

日游一宮聽事五日而後徧嘗使一人持囊隨王車

人有言事者即以書投囊中王至宮發之省理其枉

直各有官曹文書置三十六將皆會議國事其王無

有嘗人皆簡立賢者國中災異及風雨不時輒廢而

更立受放者其黜不然其民人皆長大平王有類中

國故謂之大秦王多金銀奇寶有夜光璧明月珠駭

雞犀

通天犀有一理如繩者以盛米置於群雞中雞欲往啄米至輒驚駭故南人名之為駭雞犀

珊瑚琥珀琉璃玳瑁朱丹青碧刺金繡織成金鏤罽
雜色綾作黃金塗火浣布又有細布或言水牟毳野
蠶繭作之也合會諸香煎其汁以為蘇合丸外國諸
珍異皆出焉以金銀為錢銀錢十當金錢一與安息
天竺交市於海中利有十倍其人質直市無二價穀
食嘗賤國用富饒隣國使到其界首者乘驛詣都王
至則給以金錢終無盜賊寇警而道多猛虎獅子遶
害行旅不百餘人齎兵器輒為其所食又言有飛橋
數百里可渡海北諸國所生奇異玉石諸物譎怪多

不經故不記一說大秦國出細絺織或細布言用水

牟毳名曰海西布此國六畜皆出水或云非獨用牟

毛也亦用木皮或野蠶絲織成氍毹

音瞿 毹毹 音榻 登

罽帳之屬皆好其色又罽於海東諸國所作也又嘗
利得中國絲解之以為胡綾故數與安息諸國交市
於海中海水苦不可食故往來者希到其國中出
九色次玉石一曰青二曰赤三曰黃四曰白五曰黑
六曰綠七曰紫八曰紅九曰紺今伊吾山中有九色
石即其類漢順帝陽嘉三年時疏勒王臣繫獻海西
青石金帶各一又今西域舊國云屬賓條支諸國出

琦石卽次玉石也大秦多金銀銅鐵鉛錫神龜白馬
朱髦駭雞犀瑇瑁玄熊赤罽辟翳鼠大貝車渠瑪瑙
南金翠爵羽翮象牙符采玉明月珠夜光珠真白珠
琥珀珊瑚赤白黑綠黃青緝縹紅紫十種琉璃琳琅
玕玫瑰水精雄黃雌黃碧五色玉黃白黑綠青紫紅
絳緋黃金縹琉黃十種氍毹五色毼毼五色九色首
下毼毼金縷繡雜色綾金塗布緋持布發陸布緋持
渠布火浣布阿羅得布巴則布度代布溫宿布五色
桃布絳地金織帳五色斗帳一微木二蘓合狄提迷
迷兜納白附子薰陸鬱金芸膠薰草木十二種香終

